

MEMORIAE ³
RERVM GESTARVM
Ab Illustris. & Excellentiss.
DD. IOANNE ZAMOSCIO

*Magno Cancell. Regni Poloniae,
et Copiarum Imperatore
perpetuo,*

*Eiusque superstiti splendore filio tanti
Patris implenti uestigia.*

Illustrissimo Domino

D. THOMÆ ZAMOSCIO

Præsello Knissinen, Gomadzgen-etc.

PANEGYRICVS.

A D. ANDREA BAIANO

Lusitano scriptus,

ET A IACOBO LAVRO

ROMANO DICATVS.

ROMÆ Apud Bartholomeū Zannetū 1617

Superiorum permittit.







ILLVSTRISS. DOMINO
D. THOMAE ZAMOSCIO

PRÆFECTO KNISSINEN.
GONIADZEN. ETC.

IOANNIS ZAMOSCII

*Regni Poloniae magni Cancellarij,
& præfecti generalis militum
perpetui filio.*



TS I viri nostro
hoc seculo insignes
non defunt, qui cla-
rissimi Herois D:
IOANNIS ZA-
MOSCII parentis
tui defuncti (id enim viuentis, pro
eius modestia liberè non audebant)
res gestas, vel historia, vel oratione,
vel carmine, seu pingendi, siue scul-
pendi arte concelebrent; pars, vt sty-
li, ingenijque præstantiam ostendant;
pars, vt rei tantæ magnitudine allekti



ca il-

ea illustrari desiderent: nihilominus
causa potior, & honestior, nempe
grati animi pensio deerat. Eam ex oc-
casione tui in hanc urbem aduentus
arripui, vt studium erga fortissimi,
& sapientissimi patris tui (quem vi-
uum suspexi, coluiq;) memoriam ali-
quo munusculo declararem. Cum
ergo Iconographiam, seu historiam
rerum ab illo gestarum imaginibus
descriptam, multis ab hinc annis in-
choassem, nunc tuo auspicio absolui,
& absolutam dedico, cū panegyrico
claro Iconographiæ nostræ commen-
tario: quem sacerdos Lusitanus vir
non vulgari eruditione, & in theolo-
gicis, atque politicis non parū versa-
tus conscripsit; cuius ego soluta, &
ligata oratione maiori ex parte in no-
stro antiquæ urbis splendore usus
sum. Queritur panegyrici Auctor,
& merito queritur, quod panegyri-
cus non ab eo, sed ipse à panegyrico
relinquatur, memor Isocratis pane-
gyrici, quem per nouem ille annos
confe-

confecit : noster verò Auctor nec no-
 nem expleſſe dierum hebdomadas
 in eius ſcriptione meminit. Tantūq;
 abeſt, vt partus exiſtat, vt nec abor-
 tus, quidem nomen obtineat. Vt cū-
 que ſit tamen argumenti claritas, at-
 que adeo charitas, qua res Polonicas
 tracto, multitudinem vitiorum ope-
 riet. At quid ego panegyricum pa-
 tri tuo ſcribendum curabo, quando
 tu vnus illi panegyricus longius, me-
 liuſque fuiſſes? & in te quadrare il-
 lud Eccleſiaſtici videatur dicentis?
*Mortuus eſt ille, ſed quaſi non mortuus : ſi-
 milem enim reliquit poſt ſe filium, quem* Cap. 30.
*in vita ſua vidit, & letatus eſt in illo : re-
 liquit enim deſenſorem domus ſuae, contra*
inimicos, & amicis reddentem gratiam.
 Ecquiſ enim tuam mirabilē indolem
 cum morum honeſtate coniunctam,
 quis tuos in armis, literiſq; progres-
 ſus conſiderat, qui te deſenſorem, &
 vindicem domus, id eſt patriæ tuæ
 contra eius hoſtes, qui te amicis red-
 dētem gratiam, videlicet ſtudiorum,
 & ſtu-

& studioforum Mecœnatem in vtro-
que parentis tui æmulum fore non
credat? credit hoc Polonia, immò
& suū inte amissū **ZAMOSCIUM**
videre non dubitat. Interea viue fe-
lix, & tanti parentis insiste vestigijs
huius mōnumenti non dimmemor,
quod tibi viuæ eius memoriæ, &
imagini confecro, meque in tuo, quo
Pater tuus, obsequio, & officio con-
tine. Vale.

Obsequiosiss. D. V. Illustriss.

Iacobus Laurus.

Imprimatur, si videbitur Reuerendiss. P. Mag. Sacr. Pa-
latij Apostolici.

Cesar Fidelis Vicefs.

Imprimatur, Fr. Gregorius Donatus Rom. Mag. Reueren-
diss. P. Fr. Hiacynti Petronij, Sacr. Palatij Apostol.
Mag. Socius, Ordinis Prædicatorum.



PANEGYRICVS.



I faustum, felixque semper fuit
 vniuersæ virtutum, & litera-
 rum Reipublicæ, de viro non si-
 lere clarissimo, qui boni ciuis,
 strenui militis, prudentis impe-
 ratoris, integri magistratus, phi-
 losophi sapientissimi, religiosi
 Principis, nè dū Christiani partes impleuerit: hoc sa-
 nè silentium in IOANNE ZAMOSCIO turpe,
 & ingratum fore non dubito, qui semper cum se
 ipsum, tum hostes Reipublicæ sepius debella-
 uit; qui humanæ cupiditatis, iminò & necessitatis
 oblitus non sibi, non posteris, non famæ visus est;
 sed Deo, Regi, patriæ, literis, & amicis tantum
 vixisse. Quem ideo nullus est, qui priuatim, & pu-
 blicè prædicandum non censeat: nullus etiam, qui
 post obitum, quo (vt piè creditur) verè ac tutò sibi
 parta felicitas, non laudationes, non epicedia, sed
 panegyricos, & gratiarum actiones eius memoriæ
 consecrandas. Cui verò, quam tuæ memoriæ debentur,
 o ZAMOSCI, qui dum in humanis ageres,

A

quæ

quæ pro patria prudenter, fortiter facitabas, non tuo labori, sed Sigismundi Regis pietati referebas? Hoc debitum tibi soluendum supererat, ideò post funera tibi potius panegyris, quàm laudatio conuenit. Alij rerum suarum gloriam ex applausu, & ambitione captantes, eiusmodi iure cedere visi post obitum: tu verò qui pro tua temperantia, & moderatione grates, & laudes, vel ab amplissimo Senatu uiuens abnueras, nunc postquam commune exilium cum cælesti patria commutasti, eas à ciuibus, à popularibus, ab aduenis, hostibus, & amicis exigis, eas vendicas, & habere non piget, quas extra pudorem, & periculum, extra sortem, & inuidiam sustinere iam potes; immò quid amplius, & gloriosius, quam ut ingenio assequi, & oratione complecti mortales hinc possumus. Itaque non vereor, nè cogitando incredulitati locus, aut loquendo adulationi, aut tacendo offensionem relinquatur. Si ardua, & difficilia cogitauero, aduc, adynata, & incredibilia de te cogitare: Si multa, & magna, adhuc plura, & maiora de te dicere, debuisse, conuincar: si parua, mendacij arguar: si pauca, silentij: non ea tamen tuæ magnitudini, sed meæ potius imputanda penuriæ. QUID autem gloriosius, & diuinius, quàm ex vnius uiuendi ratione Principis, ex cunctis, vel singulis meritis, non tam vniuersa ipsius encomia, quam totam aliorum disciplinam explicari? sibi gloriam, & claritatem, cæteris stuporem, & imitationem proponi? Id equidem conficerem si tanti viri pietatem, & religionem, ac probitatem, si magnitudinem animi, moderationem, atque constantiam, si fidem, æqui-

tatem,

tatem, liberalitatem, si sapientiam cum rerum omnium usu, & cognitione coniunctam vobis ante oculos proponam. Verum, quia gloriosa hæc virtutis effigies suis illustrata splendoribus, omnem, vel aquilæ, vel lyncis aciem perstringere, & turbare potuisset, ut ipsa tuto videndam se præbeat, cælestique ostendat artificium, nonnullas misceri umbras oportuit, non ex arte quidem oratoria, quas respuit, sed ex natura, & fortuna, quas ipsa perficit, accersitas. Quid autem umbras non appellauerim, quæ suis relictæ viribus neminem possunt pro dignitate exprimere, meritisque laudibus exornare? Quid? si hæc munera, & ornamenta, quæ fortunæ sunt, ambiguo: quæ naturæ, necessario se modo communicent; nec tamen omnibus, sed paucis euenire videmus? atque etiam semper hæc accipientium ante merita non requirit: illa immerentes plerumque, muneretur? Quare hæc laudandi segetem, non imitandi, illa neutram suppeditat. IN hoc solum sistere, & immorari difficile, & inuisum: in illo, vanum, & inutile: si utrumque coniunxeris, præstantissimum. COMMENDATIO, claros, celebres, inclytos viros constituit, clariore, celebriore, magis inclytos æmulatio. LAUDARI simpliciter grande quid auribus insonat; sed evanescit, & rationi quid futile, & mortale quid suggerit. At verò in alios per exemplum, & imitationem diffundi, eò viderur gloriosius, quò magis diuinæ fecunditatis cunctis se se largientis ingenium repræsentat. Vtrumque tua mihi virtus præstat ò ZAMOSCI: itaque, ut tantis mea tuis laudibus surgat oratio, utramque glo-

riam sic necere, & copulare contendam, vt non magis tuas res gestas celebrare videar, quàm docere: non minus extollenda dicere, quam imitanda proponere.

Quoties in augustissimo Naturæ, Artiumque, & Virtutum theatro aciem mentis circumfero, diuersas agitari scenas conspicio: vbi personarum multitudo, suspendit animos, varietas delectat, pulcritudo mouet, actio suauissimè tenet, ac compedit, nè quouersus migrare possint, aut debeant: vbiquaque eo magis studet excellere, quo Deum summè bonum agere potest expressius. Natura suarum rerum generibus, formisque speciosa comparat: prouidam in necessarijs, in varijs constantem, in perituris perpetuam, & quasi immortalem se gerit. Suis sæpe in actibus ab ipso spectatore sui Deo, & artifice commendatur. Sed quoniam huiusmodi commendationem non ad merita, neque remunerationem, sed solum ad magnificentiam destinari cognoscit; bonitatis cedit arbitrio, illius tantum vestigijs, & saltem initijs inhærere contenta. Ex alia parte Scientia artium stipata consortio, clarissimis suis togata principijs, & habitibus prodit in medium; Dei scientiarum partes quoque agere conatur in terris: veritatem demonstrat; euidenciam arguit; immutabilitatē insinuat; omnes suas facultates ostentat. Cæterum quòd in illis verè vnicam felicitatis gemmam non inuenit, pro viribus actitando, actum se egisse semper non dubitat. Enimuerò beneficia, quæ ad mortalium mentes ditandas, & excolendas suppeditat, longè abesse videt à iustæ bonitatis encómio: dum
studia,

studia, & voluntates, ad benè, & honestè patrandum excitare, propriæ eius partes non sunt. Tandem Virtus accedit, & omnium gratissimum sui spectaculum Deo præbet. Quippe quæ cæteris dignius personam ipsius sustinet; & hominem, ad quem diuertitur, felicem, & beatum constituit. Hæc Naturæ eiusmodi imminutæ, & vacillanti coniuncta eam, redintegrat, atque consolidat: initijs, bonitatis inserta eamdem absoluit, & ad fastigium, metamque, perducit: merita parit, & amplificat, præmia maturat, honores confirmat. Iam vero si Scientiarum fiat accessio, ingenia ad tersius, & sublimius contemplandum, corroborat: præterea ad rectam rationis normam moderatur arbitrium, voluntatem componit, suumque ad ipsius scopum verè, & feliciter attingendum, perdestinat. Atqui quòd hæc non ita facilè simul comprehendiqueant, talia ad seculares ludos spectacula facere, non ab re dicimus. Virum bonum, & sapientem, qualem vix reperendum fore, dicebat Antiquitas, vnum nostro sæculo inueniri, quis neget? Nonnè, qui tuum ò ZAMOSCI, singulare ingenium, mirabilem sapientiam, incredibilem animi fortitudinem, cælestem doctrinam cum morum probitate coniunctam considerat, te talem esse virum fatebitur? Quidni? si à puero naturæ honestos igniculos literarum splendori, pariter & virtutum flammis admouisti, quibus illustratus, & accensus domi tuis lucere, & ardere meruisti, forisquæ alios quoque viros egregios accendere; & illustrare potuisti? Locus ubi cæleste hoc edi munus incæpit, ZAMOSCIA fuit, ubi edicus vitam,

vitam, nomen; fascias, cognomen, educationem, omnia eidem cum fœnore incredibili redditurus accepisti. Quippè pro vita mortali; victus ad maiorem Dei cultum templis, studiisque literarum vberimos, reditusque amplissimos assignasti; pro nomine nominis celebratam reddidisti; pro fascijs, fasces illius ampliasti; pro cognomine eam titulis, & ornamentis auxisti, pro educatione eamdem faratam, tectamque ab omni temporis, & hostis iniuria conseruasti; arcium, turriumque præsidio communisti, & quod caput est, antiquæ, & claræ tuæ gentis domicilio decorasti, atque etiam confirmasti: vt perpetuam tui, & tuorum in Deum, patriamque multis antè seculis excellentium memoriam, & exemplum posteris commendares, & ostenderes, eundem hunc esse locum; vnde tanquam ex nido sublimes Aquilæ SHARI tui viri equestris, & senatorij ordinis insignes, ac belli, pacisque laude conspicui ad Regni defensionem, & custodiam, ad infestorum exactionem Theutonum, & exitium deuolabant. Nè verò omnes, aut singulos, pro tuæ familiæ veteris, & illustris præconio, & meritis in Rempublicam recondendis enumerem, testem adducam omnium quidem calculo probatissimum, (quem ad sempiternam memoriam suis monumentis, & annalibus Polonica obsignauit antiquitas) Sharum, vnum nomine FLORIANVM, virum equestris tunc ordinis florentissimum, qui sub Vva. dislao Loctico Rege suo militans, & in acie aduersus perduelles patriæ dimicans, qui Pomeriana subrepta, iam Cuiuiam occupare tentabant; & post-

MAIO-
RES.

quam aduerso pectore densissimas inimicorum hostas sustinuit, multasque obtrivit; tribus tandem, ac pluribus confossus, nec tamen (quod ad maiora feruaretur) extinctus, illa manibus per vulnus cohibens iacebat in campo. Quasi tunc illo actu, gestuque secum loquentem innueret: Sistite, sistite, mea viscera, & ad multa alia pro patria subeunda certamina vos recipite. Per pietatem, & fidem, qua estis lacera, obsecro vos, & obtestor, nè effluatis. Eia agite cordis imperio, ubi deficiente vita, virtus non deficit, obsequimini. Lictores circumstant, manus ministræ vos tenent; non elabemini. Sic Sharum suis noctu, diuque obluctantem visceribus, Rex qui postridiè victor campum reuiserat, suis recognoscendis occisis, & humandis sollicitus semimortuum offendit: paternè condoluit: atque existimans, eum vix fore vitæ, vocisque participem, conuersus ad suos, cum de magno viri cruciatu verba faceret: ex quasi declamato corpore improvisa vox redditur: maiorem esse pago suo malum vicinum habenti cruciatum. O dignam claro, fortique Polono sententiam. Regis commota, & attrita sunt viscera, Shari integris, quasi abrupta non fuissent, remanentibus, non tunc in lacrymas, non in gemitus prorumpentis; non ostentantis plagas, neque augentis (si eò magis augeri potuissent) sed quod erat difficilius, suas minuentis angustias. Cum vir etiam prudentissimus non sua, sed Reipublicæ vulnera pateretur, eaque sanari præcupiens cladem potius a communi, quam suo corpore propulsari contenderet. Quid per Deum immortalem, viro sanguinem, & viscera pro honore,

*Mart. Croem.
lib. 11. de reb.
Polonicis.*

nore, & salute patriæ profundenti hac honestius querimonia conuenire potuit? His Rex exceptis, tanti viri constantiam, fidemque commendans, eadem præter vires naturæ superstiti totum pagum infesto vicino expurgatum donauit, dignum profecto ducens Reipublicæ maioris imperio, qui adeo communem antè oculos salutem proponebat, ut extremum suæ indigens, & oblitus, eam non sibi, sed pago comparandâ curaret. Quid ergò mirum, si deinde Lelitor vulgò ab ilium effusione dici meruerit, eo ad minores transmissio cognomine, tanquam sempiterno, ut ita dicam, exulcerati Ciuis encomio, cui & gentile stemma contexit; & cum eo antiquius commutauit. Nam pro hircinis cornibus, quibus Kozleroghus antea dicebatur, tres hastas transuersim positas sibi, suisque vtendas obtinuit. Non video cuiquam, si liberum fuisset, effingere sui generis, & virtutis insignia, quid hoc gentili, veroque stemmate significantius, quid absolutius, quid gloriosius facere potuisset. Vbi ex ipsius inscriptione cognominis, fidem, & ex visceribus patriæ impensum amorem non minus, quam ex insignibus Christianæ virtutis augmenta, meritaque cognoscimus. Felix permutatio immò, & gloriosa metamorphosis, qua Kozleroghus in Lelitorem transfunditur, & in hastas cornua commutantur. Vtrumque palmarium pro Repub. facinus designare, quis dubitat? Nescio tamen quid amplius, quid & dulcius sub hac hastarum triade latere conspicio. NAM SI SVBLIME arduumque videtur hostes ferire, & profligare pro patria, non minus, quin potius maius est,

STEM-
MA.

atque

P A N E G Y R I C V S. 9

atque iucundius in eiusdem sancto, pioque certamine, vulnerari, transigi, & occumbere. Qui strenuè, & incruentè se gerit in acie, ut victoriæ vel exiguam meruisse partem videatur, commilitonem testem desiderat, aut Ducis expectat arbitrium: qui verò hostiles ictus tam miti, & amico animo perfert, quam duro, & infesto multiplicat, eius sibi gloriæ non reliquias, sed cumulum vendicat; & in se ipso meritorum lucem, fidemque reperit, nec alio quam suorum vulnerum suffragio indiget, quæ *sine assertore præconium, propriaque lingua virtutis sunt*, prætereà pietatis per hiantia viscera adhuc in Sharo, eiusque in posteris proloquentis. Nonne semper hæc tua in Deū patriamque pietas extitit? nonne hoc idem in ciues studium? Vnde? nisi quod ex hoc clarissimo Sharo, atque eiusmodi tuis alijs maioribus hauseras? Vnde? nisi quod ipso cum lacte biberas, monitisque, & exemplis acceperas? Hoc tibi hæreditarium, propriumque nomen, & officium sanguis, & natura subinnuit; & quodammodo te cogit accipere. Agnoscis tu quidem naturæ gratiam; ius accipis; animo desigis officium, opportuno pariturus obsequio, quo non solum ad tui nominis splendorem, tuorumque parentum memoriam, & posteritatis exemplum defensorem, patremque patriæ dici, collique mereris ab omnibus. Quod si hæc à maioribus non accepisses, hoc solum tibi satis superque fuisset, quod nobilem te Polonum produxerint; unde omnia Regi, patriæque officia deberi, & omnia ornamenta tibi non ingrata, & inepta fore cognoscis. Huc sanè pertinet, quod non semel sermoni-

*Cassiod. de
mil. Rom. ad
Senatum.*

NATA
LES.

B bus

bus vsurpabas; nihil esse extrà patriam Polono viro nobili necessarium; nempe eo titulo, omnia virtutum præmia contineri significans. Quamobrem sanctissimè iudicabas, cuiusmodi quempiam non decere, aliundè dignitates petere; non honores ambire, non magistratus accipere, non opes, & diuitias comparare; nisi omnia ex patria pro meritis expectare. Quin etiam hac vera, & Christiana sententia, Ciuitatem non alioquin, quàm ijs, quibus cœpta est, bonis ciuibus, conseruandam, & augendam censebas. CARIORA HABEMVS, quæ fecimus, indulgentius fouemus, liberalius propagamus, quæ cū labore peperimus. Quemadmodum si machinæ quidquæ ex structura, & cōpagine subtrahatur, paulatim per membra ruere eandem percipimus: ita bonos, clarosque ciues si fortè peregrina incessit ambitio, vel cupiditas, confestim ipsos iam fidei, & amoris vinculum respuentes, publico resiliire corpori, idque cò grauius quò lentius trahere in ruinam cognoscimus. Iam verò si rem ipsam eius in appellatione, quæramus, duplex etymon, vtrumque conspicuum, & alterum alteri non cedens, eruius. Quid vir Polonus linguæ maternæ notatione prædedit, quam *Venatorem*, vel *aquatorem* exprimere? Quid subinde Polonia, quàm *venatio*? quid eadem nisi *planities*? Húc nobiles venatores concurrite: hic semper vestris aptam prædam laboribus inueniri non dubium: Hic vobis ad equitandum campus excurrit: hinc locus merendi patet, & in longum, latumque, æui sempiterni spatium protenditur. Si æquatores dicimini, æquitatem hanc gestis ostendite. Quid

*Cromer. lib.
1. cap. 13. de
de rebus Po-
lonicis.*

N A-
TIO.

adhuc

adhuc in deujs saltibus, & in præruptis montibus incognitam agitare prædam contenditis; vbi errores, & præcipitia tam certa, tam multa sunt, quàm nulla, vel incerta venatio? vt cumque enim foris excellatis, ac per egregiè res gestas, & præclara facinora vela faciatis ad gloriâ iisdem semper *inuidiam*; & *calumnias* excitantibus obruemini. MISERABILIS iactura, nefarium quid crimen insinuat. Si id nosse cupitis: quid extremi Sinæ de hac re sentiant; quid eorum barbara philosophia dicet, obseruate;

Matrona, inquit, *casta duos nescit viros, nec fidelis cliens duos dominos*. INGENIOSAM hanc sæpè ambitio, & cupiditas inuenere vindictam: dum cui talem suasere perfidiam, eundem suis meritis offendi, & iactari permittunt. DEPLORATA igitur infamia est, dubia pro certis arripere, & exilium cum patria mutare, extrema calamitas. Ponis hanc ZAMOSCI sententiam, eamque tueri, & probare non refugis, non desinis: quin rei ipsius periculum, & argumentum in te ipso facis; te præside, & doctore confirmas. Enimuerò quid hac positione manife-

Trigant, & Societ. in expedit. Sinica.

AETAS. stius per omne æuum, quid per omnia ætatis discrimina se se inuicem præoccupantis ambitu, declarasti? Verbis id ipsum repetis; literis, & monumentis euulgas; monitis inuitas; opere præstas: cogis exemplo. Cum laude vincis, cum gloria triumphas. quòd strenua aduersæ partis obiecta, quæ eam tibi mentem demoliri nituntur, non desunt, omnia. Dei ipsam muniente, & collustrante præsidio, tanquam mera sophismata, ac somnia dissipas. Natura tibi recens adhuc, & bullata, puerilibus imbuta,

Senec. epistol.
15.

primitijs, dum te puerum (quæ puerilis ætas est, & ingenium) suos impellit ad ludos, eos fore necessarios, nè dum congruos teneris ijs annis obijciens, tu quasi tunc *pueritiam à puerilitate* dignoscens, & vtriusque sapiens discrimine, illam tanquam homini à Deo datum munus amplecteris: hanc verò, vt ipsius affectæ naturæ noxam repudias: ac sic te seriò tuis cum geris æqualibus, vt quæ ingenuam indolem, & honestatem non dedecent, duntaxat excipias. Præterea iam grandiusculam ætatem simul, & politiores artes, quantum satistunc eras, ac poteras, attingebas: cum maior altera difficultas exoritur: quod à Patre tuo prudentissimo, & amplissimo viro, Caroli Regis addicendus obsequio, ad morum elegantiam, linguæque, & rerum peritiam comparandam, in Galliam mitteris. Nihilò melius, quam tanto obediens parenti difficultatem absoluis: intimè palatium penetras; aulicam versas: nullum non moues lapidem, quo normam rudibus, & censuram veteranis te præbeas. Phidias eò sculptor egregius habebatur, quod quancumque materiam manus eius oecupassent artifices, mire effingerè, seriòque animare viderentur: non aliter tu vbique bonus, quia optimus, seu intrà, siue extrà palatium; aut ciuis, aut aduena: vel inter bonos, vel malos raram tuam indolem explicas, & excellis ingenio. Gratum Deo te geris: quod ei quantum potes, gratum Regi, quod ipsi quantum licet, obsequeris. Tibimet displicentem, quia etiam diffidentem te exhibes; quod

PVERL
TIA.ADO-
LES-
CEN-
TIA.MO-
RES.

Tac. in Agric. non ad famam tuam gestis exultas, sed vt minister ad auctorem, & Ducem Deum primò, deinde ad tuum

Prin-

*Principem referas : si quid aduersi contingat, id tibi, si quid prosperi Regis fortuna paratus adscribere : laboris appetentem, quo rerum difficultates amoliri soles, & gloriam imposita summa manus eideni relinquere. Iniurias ferendo, & grates agendo, rarissimi non solum aulici, sed Christiani etiam militis patientiam exerces. Ut declines inuidiam, diuersus à veterum instituto, subter cultum, & munditias propiores luxu rigorem animi ingentibus negotijs parem abscondis, cò acriorem, quo somnium, & inertiam ostentas. Itaque ministris maioribus gratus, & minoribus officiosus vtriusque beneuolentiam, fidemque concilias. Sales tui sine dente; sine cachinno risus: sine vilitate ioci: vox sine clamore: incessus sine tumultu; quies sine desidia: blandus sine assentatione: paucis nisi bonis familiaris; omnibus comis, & affabilis. His aulæ candidatos monitos velis, filumque porrigis, quo perplexas absoluant ambages, & inextricabiles labyrinthos euoluant. At altera ex parte, censor acerrimus in peritos inueheris: dum palatij fundamenta perferutans; muros inspiciens: culmen exuperans: omnia membra percurrens, singulaque intuens, cuncta niti, erigi, diuidique mendacio comperis: & meritò cum diuino Sapiente exclamas: *Vanitas vanitatum, & omnia vanitas.* Principes purpura, sceptroque, & reuerentia spectabiles apparent: nec tamen deciperis, quòd sub omnium iugo, & incredibili seruitute tantam transire gloriam conspicis: non magis dominari, quàm seruire credis, quos ut omnibus imperent, inferuire omnibus oportet: omnium se se ad studia componere, & simulatio-*

ne qua-

*Artil. prob.
in Datam 6.
Diodo lib. 49.*

*Senec. 11. de
ira.*

*Tacit. 14.
Annal.*

Ecclesiast. 1.

ne quadam in suos vti, nè saltem vana spe vacuos dimittant, TAM MINIMI verba dare, quàm facere pensitantes, Nec minùs eorum voluntates, ut vehementes, sic mobiles obseruas, & sibi ipsas saepe aduersas, quibus in clientium perniciem cùm Fortuna conspirant. Ad hæc satis infirmam potentiam cognoscis, quæ omnium semper dependet auxilio: inanem magnitudinem, quæ vel minimis in rebus consistit, quas si indigenti subduxeris, aut negaueris, ipsa quoque in nihilum redigi videatur. Iam verò contubernales omnia effingere non ignoras; nusquàm fidem, nusquàm veritatem diueri: omnia adulationibus infestari, ambitione corripì, cupiditate scèdari. In salutandi ritibus, & vtrò, citroque ferendis obsequijs verba melle, & lacte manantia videris excipere, quæ contracta non alios rei succos, quam odij, & lioris absyntinos exprimunt: vbique supplantationes, & laqueos: vbique pericula, per quæ peruenitur ad grandius periculum. Vides Principem instat numinis adorari, sequique oportere, qui ab eo extolli velit opibus, & honoribus: vides verecundiam, & modestiam sibi esse exuendam, & audaciam, contumaciamque induendam, qui cæteris antefèrri contendit: eisdem vides in ostentationem, sui que iactantiam euanescere; & aduersus inferiorem seueros se maximè, & arrogantes: erga superiorem vilissimos adulatores ostendere; quos delectat superbiæ suæ longum spectaculum: minusque se iudicant, posse, nisi diu multum quod singulis, quid possint, ostendant: nihil confestim, nihil semel faciunt: iniuriæ eorum præcipientes, beneficia lenta sunt. Vides hìc insidiatores, & hostes: qui secretis

crimi-

Sallust. in Iuguri.

Reg. 4. cap. 9.
Eph. c. 111.D. August. 8. confess. c. 6.
Tacit. 1. Ann.

Senec. de tranquill.

Senec. 11. de benef. cap. 5.

Tacit. 1. hist.

criminatoribus infamant ignarum, & quo decipiare, palam laudatum. Vides eorum instabilem, lubricamque fortunam, qui postquam Sisipho non absimiles saxum subuehentes humeris, vias hausere, difficiles, dum honoris in fastigio quiescere, & respirare, quod inuidorum euassent manus, existimant, sua tandem se mole præcipitant. Vides hæc omnia, ac deteriora peste ipsa iudicas: ETENIM contagia animorum, eò magis periculosa sunt, quò citius, quam corporum contrahuntur. Cum ergò nulla potior medicina sit, quæ ab eiusmodi labe mortales præseruet, quàm fuga; diutius hinc manere non cogitas, regionem mutare constituis. Itaque parenti, cuius abundè studium, mentemque superas, persuades, licere tibi in omnium virtutum, & scientiarum nutricem Lutetiam Parisiorum recedere: eoq; adolescentiæ florere, quem à liuoris aculeo, statuque superbiæ, & luxus vermiculo non saucium, non excussum, non marcentem, sed integrum, & amœnum extulisti, tanquam in riguos sapientiæ hortos transferre: Regem pro Magistro, Palatinos pro scholaribus, palatium pro academia, curiam pro Licio, trabeam pro abolla, equestrem pompam pro pedestri simplicitate commutas: perniciofa negotia pro otio salutari, cælum nubilum, & intemperans pro elementi, & sereno relinquis. Hanc sedem, quasi felicem patriam, veramque quietem amplecteris; ubi aduersarij non detrahunt; inuidi non offendunt: certationes non feriunt: clamores non turbant: sed omnia ad mentis sananda vulnèra, ignorantiamque dissipandam conducunt: ubi ostenta-

tio

tio cognitionem, æmulatio profectum, periculum, laudem, varietas voluptatem, vicissitudo permanentiam parit: vbi merita iusta constantur: Rerumpublicarum fundamenta iaciuntur, & virtutum seminaria in totum diffundenda orbem seruantur: vbi ardet charitas: fides elucet: pax eminet: concordia exuberat: veritas emergit, quæ cælesti *vultu* errorum *tenebras*, dubitationumque *tempestates* serenat: vbi fortuna eluditur: natura perficitur, virtus suo pretio æstimatur. Hic viros in toto orbe celeberrimos occupas, sub quorum disciplina multiplicem rerum cognitionem, & vniuersam scientiarum lucem consequeris. Latinas literas ad sermonis facilitatem, stylicque elegantiam recolis, eisque ad maiorem eruditionem Græcas adiungis. Rhetoricas institutiones impensius renouas: varia dicendi genera contemplaris. Catonis grauitatem expendis: Demosthenis vim exprimis: Isocratis suauitatem degustas: Platonis affluentiam exhauris: ac tandem Ciceronem, in quo omnia eminere vides, compilas, eiusque orationum diuitias commentarijs exponis, & illustras: Hermogenis specularis idæas ex Græco per te fonte transfusas in Latium: Dionysium Halicarnasium de verborum collocatione librum quoque Atticum, Romanum facis, & ceteros, quos per te, vel per alios tuo munere, & impensis traductos accipimus. Quid plura? quantum in hac arte proficias, tuæ ad Henricum Regis Galliarum fratrem Regem Poloniæ designatum, & ad Stephanum Battorem, subinde Regem, tùm verò Transilvaniæ Principem, & ad Annam Augustam legationes,

Virg. l. Am.

L I T E -
R Æ E T
S T V -
D I A .

tiones rei ipsius testantur euentū : testantur quam multæ luculentissimæ, grauissimæque orationes, quarum illa celebris in multorum memoria, omniumque manibus, & sermone versatur, qua Patavij Gabrielem Fallopiū Mutinensem, anatomicum ibidem professorem eius in funere impubes laudasti : testantur plenæ pietatis, & religionis epistolæ, quas ad Gregorium decimum tertium, & Clementem octauum summos, & optimos Christiani orbis Principes, & alios de rebus Polonicis, & Moschouiticis scribebas : testantur exhortationes, & alloquia, quibus belli tuos ad prælia ineunda milites, domique populares ad patriam integrè seruanda iura excitabas . Præterea qui ob patritium, fidumque sanguinem necessariò futurus tuis esses necessarius ad excolendam, & confirmandam prudentiam, Aristotelem disputas in politicis : in legibus Platonem discutis, in Republica perlegis, in alijsque mente, & ánimo peregrinaris, vt certam tuæ formam præscribas : Iesum syrachidem consulis, ex quo vt Basilius imperator *ciuiles*, quas excolas, & *regias virtutes*, quas moneas, colligis, atque hauris, *Cap. ult.* Cyrum Xenophontis non minori studio, quam Scipio visitas . Viros, qui adsunt, doctissimos adhibes, eorumque iudicia cum veterum monumentis componis; atque ea omninò præstanda iudicas, quæ pietatem, fidemque Christianam redolere consideras . His diuina exempla, & oracula sapientium, & heroum dictis, gestisque applicas, quæ passim apud magni, vel obscuri etiam nominis scriptores, eorum in libris, aut annalibus tanquàm stellæ in vir-

tutis cælo refulgent. Quare Thucydidis breuitas non obscurat: nec affectata Sallustij recondit anti-
 quitas: nec Polybij Tacitiq̃ue sententiæ retardant:
 non Curtij nitor perstringit aciem, Liuijvè fecun-
 ditas obruit, quominus mirè lectitando proficias:
 Ex his enim, & alijs noua retegis: antiqua renouas:
 pericula præcaues: stratagemata recludis: morta-
 lium perpendis ingenia: tempora, loca, mores ob-
 seruas: euentus varios explicas: peritiam comparas:
 diuitem facis memoriam: mentem recreas: studia
 accendis: virtutem acuis; & non aliter maiora, ne-
 dùm paria æmularis, ac concipis, quàm Cæsar cum
 Alexandrum, & Selymus Thurcarum Rex, cum
 ipsum Cæsarem, & Carolus quintus cum Ludouici
 cum vndecimum Galliarum Regem in historijs
 comprehendens, accensus fuisse dicitur. Subinde
 militaria peruoluis, quibus bonum te militem, &
 alios instituas. Arma non ad imperij gloriam, nec
 ad furorem vindictæ necessaria, (quæ ideò in primo
 Assyriorum Rege Nino, & Alexandro Macedone,
 Cn. Pompeo, ac Cæsare detestaris) sed ad repellen-
 das iniurias, tuendumq̃ue principatum suscipi debe-
 re confirmas. PACEM frequens, & commune
 pabulum Reipublicæ esse iudicas: bellum tanquàm
 amaram potionem ægrotanti ad salutem adhiben-
 dum: quò vt ad vltimum rebus in afflictis reme-
 dium confugiendum. Multa de exercitu, de castris;
 de agminibus, de signorum collationibus, de oppidorum
 oppugnationibus de euitandis, vel intercipiendis insidijs
 accipis, animoq̃ue defigis. Nec verò tibi vnquam
 illud Annibalis in Phormionem philosophum de
 armis

Ioan. Bodin.

*Plato 9. de
 Republ.
 Euseb. 5.
 Insin. 1.
 Senec. epistol.
 94.*

Cic. 2. de Ora.

Ibidem.

armis disputantem dicterium potest incidere, qui armorum lectionem, studiumque à mente ad pectus, *ab oculis ad manus, à voluptate ad laborem* sepiſſimè *transfers*. Tuis ergò *exercitationibus non Græculus magister: sed aliquis, cui decus muralis, aut civica, veteranus assistit*. Ex quo eleganter equo vehi, strenuè saltare, scitè circumagi, peritè curſitare, perdiscas: quicùm securè vibrare, decoreque hastas flectere, pedibus ſariſſas tractare, manualia tormenta diſplodere, ſcuti tegi; ferire gladio, vi vim repellere exerceas. *Quam magnum est ex omnibus patrio more, patria virtute letari, & sine amulo, ac sine exemplo ſecum certare, ſecum contendere*. Quemadmodum generoſi hinnuli, qui nè armis acceptis à natura languescant, ſed alacriores, & acriores reddantur roſtra, aut ungues, dentes, aut cornua ad ſtipitem moliri ſolent: ſic tu generoſa indole impuſus præluſis ad vera, ludicra moues ad ſeria; quin potiùs vero, ſerioque animo, *quaſi tunc libertatem, patriam, parentesque armis tegas; aut ea pro fide, aut ſalute ſociorum ſuſcipias*. His ſtudijs terribilem omnium terribiliù mortem manſuefacis, manuque ducis; & decoram tibi ante oculos proponis inuitans, artus, ſenſusque illi non parcere. Vt autem vero te hoc metu liberaſ; atque inanem, vanumque ſuperes, Phyſica ſatiùs, quam ſaterat, amplecteris: principia, cauſas, vicifſitudines rerum, & interitus agitas; mentemque attollis in mentem illam omnium conditricem, immobilem, nullis circumſcriptam terminis, DEVM OPTIMVM MAXIMVM: vnde felici lapſu in te ipſum corruens, & inſinuans, humanæ naturæ con-

Plin. in Paneg.

Idem ibidem.

Sall. Catil. 1
Cic. 112. de Repub.

ditionem, cladem, & misérias, ac mortem consideras, quam improbi vt pœnam, & æterni sibi cruciatus initium exhorrescunt: boni verò, quibus in hoc breui vitæ curriculo beatitudinem inchoare solent, quasi præmium osculantur. Atqui nè tandem terrearis inaniter, atque vbi non est timor, timore nè

Plus. in Peri.

trepides: eundem qui *ex rebus acceus, aut æthereis, ignorantibus earum causas* incutitur, per metereologiam propulsa. Iam verò ad Geographica non voluptatis, sed terrarum, marium, fluminum, portuum cognitionis ergò progredieris, qua instructus eorum, quæ in consilijs explices, & expeditionibus, aut etiâ, cum oportebit, in legationibus obeas, situs, magnitudines, interualla, munitiones intelligis. Inde ad

Polyb. 9.

Astronomica, & Geometrica subinde te confers, vt his tempora anni noscas, & tempestates; loca illa aggressurus opportunè præfagias, in quibus castrametari, oppida munire, propugnacula struere, tormenta dirigere calleas. Nec tandem Architectonica spernis, quibus Deo, ac Cælitibus templa ponere, arces moliri, academias ædificare, oppida à fundamentis exstruere valeas. Hæc si ad philosophandum duntaxat didiceris, argumento sunt, quæ in noua tua præstas ZAMOSCIA, vbi mirabili sūptu, & labore ædem extrâ Dorico, intrâ verò opere corinthio condi iubes, quam & Dignitatum, & Canonicorum collegio decoras, Cosmii illius Medices magni Ducis Hetruriæ piam re confirmans sententiam. Quod Ecclesiæ operi pecuniarum impendimus, id totum extra petulantiam, ludumque fortuna nobis in lucrum concedit. Vbi tutissimum, firmissimumque,

propu-

*August. viii.
in paneg. ad
Franc. Ferrer.
Card.*

propugnaculum ab hostium excursione constituis :
vbi (quòd tuo satis genio, ingenioque facias.) Aca-
demiàm omni litetarum studio, multoque prædio-
rum censu diuitem creas, & excitas; vnde iuuentu-
tem ad cælestium cultum, & obsequium, vel ad pa-
trias functiones omni æuo suppedites, non ignorans,

quantiscunque sumptibus constet, lucrum esse, pietatis *Terull. Apol.*
cap. 39.
nomine sumptus facere. Prætereo quæ de tuis studijs,

& lucubrationibus varijs, vel in Athenæis, vel in
amicorum frequentia ad acuenda ingenia recitas,
declamas, disputas: quibus Lambinos, Carpentari-
os, & Sigonios tuos imitari contendis. Non me-
moro, quæ in Doctorum cætu ad lauream obtinen-
dam, sæpè, diuque subire soles pericula; qui suf-
fragijs, & insuper laudibus summum tibi ius ad ma-
iora in scientiarum genere ornamenta constituunt.
De his hæcenus: nec enim diutiùs cunctari possum
Patauij interpellatus clamoribus, qui me ad alias tui
commendationes vocant, & prouocant. Venis Pa-
tauium vetus, notumque tui similiū, & æqualium
Polonorum hospitium, immò seminarium: & tan-
ta cum lætitia ab vniuersis exciperis, quanto cum
mœrore omnium, & lacrymis Lutetiam relinquis.
Hic maiores natu spectatores tui facis; ac tuos amo-
re sapientiæ, studioque riuales exuperas. Hic iuri
Pontificio, & Cæsareo mentem, animumque appli-
cas, ardentem das operam: iam vtriusque sanctio-
nes, ac leges ingeniosè congeris: memoriter reci-
tas: prudenter expendis: argutè differis: verè, & in-
genue interpretaris: & post multas laboris, inge-
nijque ostentationes, Doctorum (nemine discre-
pante)

pante) consensu, quin potius applausu, & admiratione ipsorum consortio iungeris, & ornamentis afficeris. Eia nunc age macte animo, macte ingenio, macte studio adolescens, eia flos adolescentium, præcocem dature fructum, florentes Palladis amplexus iam deferre, & eiusdem armatos amplectere: Ad magistratus, ad dignitates accingere; accommoda, submitte humeros: iam te enim expectant onera: iam regni Regi fulciendi tuo pondus incumbit. Ecce appetit virilis ætas, tibi nomen, & annorum maturitatem suppeditans, non animi, non mentis, aut consilij, quæ præmiserat. Cæterum tenet etiamnum te Pallas, non dimittit, tuam prælibare, prudentiam studet: & quem in pace Catonem cognoscit, ac Scipionem fore in bello præfagit, suis te rogatis militibus Rectorem conciliat, antequam ductor mitteris ad alios. Cum tot animis, cum tot ingenijs pugnaturus accedis, bellum adeò difficile, gesturus cum moribus ades, vnus omnibus te infers in aciem: atque ijs armis, quibus adolescens commilitones tuos ad æmulationem excitaueras; ad pudicitiam, & honestatem reduxeras, superiores ad laudem, & admirationem rapueras, subditam iuuentutem generosè domas, suauiter coerces; beatèque moderaris. Plèrumque enim rem præstas exemplo; dum seuerum tui te antè cenforem, ac criticum, quàm aliorum ostendis. VITAE CANDOR occupat, quæ virgæ seueritas non attingit. Itaque tua priuatis in ædibus, & in aula disputantium semper virgente præsentia eorum assiduitatem moliris, diligentiam excitas: grauitate modestiam doces, silen-

VIR-
LITAS.

tium

tium imperas: religione Dei obsequium, parentumque, & maiorum obseruantiam inculcas: continentia puritatem, labore studium, solertia vigilantiam inuehis. Per te pudor exultat: concordia pullulat: blanditur humanitas; partes suas lenitas agit: sapientia dominatur. O beata tempora, ò non mortalium modo, sed quasi cælestium mores. Satis, & abundè foret, his eam semper continere Rempubl. nisi iam adspirares ad tuam, quò cætera melioris æui conferre desideras. Pro tua ergò singulari prudentia eandem normam, quam ex officio proponis, & exemplo facis amplecti, antiqua pro re, & tempore abrogata, & laxiore constricta, posteris intuendam, & obseruandam relinquis. Atque vt generosos animos ad maiora pro virtute, & scientia subeunda, prouoces, hanc tuam celebrem Academiam honoribus cumulas, & privilegijs amplificas. Iam satis Academiæ, iam satis literis feceras: cùm honestis stimulis acrius incitatus in Patriam, moræ impatiens, profectiorem adornabas: Interea omnium te Mecænatem, te Patrem compellantium amplexibus, lacrymisque diuulsus postliminiò in Poloniam redidis. Tùm verò quasi vnà in te virtus, & fortuna conuenissent, reditumque ad dignitates, honoresque expectassent, summam à Rege Sigismundo Augusto gratiam inire te faciunt, qui tui iam fama præuentus, nec tui menti, sed mentis auctoritate permotus Regni chartophylacio, quod compleres, & absolueres, præesse te voluit: ea tenus nemine inuento, qui talem posset sustinere prouinciam. Has tantæ gloriæ primitias tuis vel maximis, & vltimis

orna-

H O-
N O-
R E S.

Ioan. Pic. in
Heptaplo.

ornamentis oportet, annumeres: quòd eas non postulantibus amicis, non patria quærente, non maiorum imaginibus, non diuitiarum copia, non populari gratia, sed tantum tua virtute, & meritis habuisti. Non cunctanter id munus suscipis: (*nec enim recusandi sunt honores, qui honestis artibus comparantur*) paratus vel vilissimum, quoduis aliud obire pro patria. Cura tibi imminet omnium priuilegiorum, iuriumque, & sæderum quouis tempore cum Principibus finitimis initorum collectio. Ea verò tantumquam Sybillina folia dispersa colligis, separata coniugis, obsoleta ab obliuione, situque vendicas, & tandem sic ad vnum componis, ac digeris, vt deinceps, vel leuiter inquirenti præstò sui se prodant iudicio. Pèr te Reges, qui erunt, magnitudinem suam, opes, & potentiam explorant: per te Principes suanorunt officia; per te Proceres immunitates, & honores sibi debitos intuentur: per te omne regnum Poloniæ de sua iam gloria, & amplitudine certiùs, magnam eius partem tibi refert acceptam. Sicut arbor, quæ in proprio, ac natali solo altissimè radices egit, cæloque semper propitio feliciter creuit, non solum in fructus patrios, sed alienos, quos nempe ex insitione suscepit, absolutè, & abundanter exuberat: sic equidem mirari non debeo, si tua virtus in patria maiorum benemerentium defixa principiis, vi pietatis erumpat, & eo benigno cælo tam mirè pullulet, & coalescat, vt suos, & assumptos partu exactè, & copiosè producat. Tua sunt ZAMOSCI, quæ à maioribus accepisti: nobilitas generis, oris dignitas, corporis habitudo spectabilis,

apta

apta membrorum series, robur, magnitudo animi, honesta indoles, & ingenium ad laudem semper adspirans, & cætera, quæ ad naturam spectant: ea, verò, quæ ex literis, & virtute assiduo labore quæsisisti, aduentitia, insita, aliena sunt. Ast omnia calore charitatis in patriam tua facis; & nihilo magis naturæ, quam literis, & virtuti respondes. Itaque in omnibus æquè, ac in singulis antecellis. Ex te ergò Polonia pacis, ex te belli fructus carpere non desistit, tu nunquam carpentem deficiis, nunquam eludis, immò eos in dies suauiores, & salubriores multiplicas. Fidem, prudentiam, industriam, & humanitatem in legationibus exquiris; eaque ex votis inuenit, te ex auctoritate omnium Ordinum cum duodecim viris primarijs mittens in Galliam, qui eius Regis fratrem Henricum iam Regem sibi acclamatum suo nomine salutare, nouumque accires ad regnum. Polonus collega, & legatus egredieris, & in Galliam Romanus ingrederis: Romana enim, atque adeò Ciceronis lingua orationem non semel recitas. At verò, quo tunc eloquio, quo affectu, quo pondere, quo cultu, & lepore egeris, id acta probant: quòd deinde Rex suo te nunquam latere decessisse voluerit, te vnum sibi tenere cupiens; non vt Agamemnon decem Nestores Nestori similes, nec quemadmodum Darius acinis mali punici æqualem suum numero Zopyrum exoptabat, contentum te vno fore significans, quo ob perpetuam, & ardentem in Deum, Regnumque pietatem, facile suos omnes ad æmulationem accendi posse consideret. Nò ergò dubium, quin, si pia in regnum assumptio;

D

& om-

*Iliad. 2.
Iustin. 3.*

& omnium fidelis acclamatio non præcepisset Henricum, satis apud illum, nè cunctaretur, tua valeret auctoritas, & oratio. Cæterum postquam ipse Henricus renuntiato fratris obitu, iure successionis, & vi maioris pietatis auulsus, & subductus regnum regno mutauit, re ad interregnum redacta, Stephano Battoreo Principe Trásyluanæ digno, qui regnaret, & qui Annam Sigismundi prædefuncti sororem in matrimonium duceret, proposito, à sex Palatinatibus, penes quos sicut, & alios patrio more tunc omnis potestas est, summa huius legationis auctoritas, tibi, quod summæ auctoritatis esses, committitur. Vtrumque conuenisti: perorasti: dixisti: suastisti: & Legatum simul agens, ac pronubum, Regem dedisti Poloniæ, Regique nuptias. Intègre partes publicas egeras; nec tamen acquiescere potuisti, donec priuatas boni Ciuis cum illo ageres. Stephanum ergò ipsum iam Regem creatum, adhuc in Transyluania commorantem, rationem, qua regni Poloniæ possessionem adiret, & id rectè, sanctèque administraret, per literas doces: sed animo iuandi dumtaxat, non ambiendi, nec ostendendi nomen tuum alioquin amabile suppressis: mentionem de te nullam ingeris: tantæ religionis, & humanitatis sine indice præstas officium, testimonium sine teste publicas, præconium sine voce mittis: tandemque vt iactum gloriosissimum facias, manum abscondis. Ecce enim salutari tui styli iaculo sensit se Rex vulnerari: sed vnde, quo modo, & auctore iactetur, ignarus tot ibi sententias legit, & monitiones excipit, quot audire credit oracula: qui

qui

qui interea Deum regnandi sapientiam assiduus Salomonis precibus postulabat. Cuiusmodi illa sint, adhuc cæleri, non æquum est: suggere ergo nobis magne ZAMOSCI, suggere: præi verba, quæ alijs sunt Regibus, alijs mittenda Principibus. Ah mirum, quo Regem artificio tuæ literæ occupent: gratularis humaniter, prudenterque ominaris: lætari simul, & condoles: laudas, & communes: terres, ac excitas: pericula indicas, euentus indigitas: & adiungis, quibus frustrari, vel præcipi possint, remedia. Gratularis de regno, quod cælestis Imperatoris auspicio, ac de Republica benemerentium studio, virtutumque suarum laude obtinuit: eandemque gratulationem in Senatum, Ordinemque equestrem recidisse, significas, qui talem coronam (Stephani ipsius nomine adumbratam) quasi perpetuas sibi laureas laturam asciverint. Deinde verò regium pondus longè gravius, quam ut mortales suis viribus, nisi subleventur à Deo, sustinere possint, expendis: idque Saulem Regem diuinitus nuper inunctum à Samuele, armo in epulis, atque à Menelao Telemachum in filiarum nuptijs dorso bouis apposito graphicè, & argutè præmonitos. Iure ergo Antoninum Imperatorem, & philosophum præstantissimum, & Ludouicum secundum Galliarum Regem sub hac humeris incumbente mole, non succumbentes gemuisse sæpissimè. Non mirum, si propterea Tiberius Imperator id immanem videre belluam videretur; & summus Pontifex Adrianus tæquam hostem sibi infestissimum abhorreret; Rex Asiæ Antigonus malorum Iliadem sub eodem

Rég. 1. c. 13.

Odyss. 19.

Capitolin. in Anon. Acmil. in prælog.

Policrat. apud Voss. in panegy.

latere diceret. Imperare ergò vt quid cælestis, & diuini contineat, durum tamen & intolerabile fore iugum, nisi Dei miserantis auxilio, bonorumque clientum lentescat, & mitigetur obsequio. Itaque summo illi Principi Deo primò, ac præcipuè regiam potestatem ferat acceptam. Saulem, & Dauidem in regnum vocatos: at illum miserum, hunc autem gloriosum euasisse: quod ille diuina præcepta contempserit, hic expleuerit. Ideò vocationem suam rebus pro Deo, ac regno honestè, pièque gestis confirmet. Cor suum, vt cæterorum Regum in manu Dei esse meminerit; nè id diuitiarum pondere subtrahi, nec imperij gloria euanescere, nec effluere deliciarum luxu patiatur. Eundem Deum, æquissimum arbitrum, & inspectorem operum, consiliorum, mentium, eundem iudicem, & vindicem præsentem sibi ad sapientiam, & timorem concipiat; à quo & consilium, & auxilium petat, & omnia quæ egerit, ad ipsius gloriam, & populi sibi commissi salutem, & vtilitatem collineet. Præ omnibus alijs cogitationibus eas maximè agitet, quæ sui muneris sunt propriæ; nempe qua ratione Christianam religionem, & bonos mores propagare, iustitiæ cursum dirigere, & promouere, Imperij fines tutari, & publicos sine iniuria census augere valeat. Ad quæ omnia, & singula cum Senatu, & equestri Ordine crebras consultationes inire soleat: & ex optimo principe Traiano, suisque præcessoribus discat, Patres reuereri conscriptos, quorū non minor Romanis fuit olim, quam nunc Polonis authoritas: ab ipsis, vel ab omnibus de ijs, quæ publici sunt boni, liben-

libenter se admoneri patiat: suis igitur, vt Lacedæmon Ephoros audiat, neque veluti, Sinarum Rex magistratus, quos extraordinarios vocant, habere pœniteat; atque adeò vt tanquam Rex Antiochus, idemque Antigonus, quæ de se vulgò iactentur, exploret; benèque audiens eo die purpura vestiri se dignè existimet. Enimuerò coloris huius suauitatem, ac pretium non tam ex conchiliorum, quàm illustrium Polonorum sanguine, qui tale ei pepere-re, & auxere regnum, fieri, & rutilare consideret: nec minùs eam esse potentia, quam erga suos amoris insigne, quod quoties induit, benignitatem, & indulgentiam induere in ciues intelligat, quam Lacedæmoniorum Rex Atecicles similem paternæ fore præceperat, & disertius Simonides apud Xenophontem docuerat, *vt Princeps existimet, ciuitatem suam propriam esse domum, ciues propinquos, amicos autem filios, filios velut animam propriam, & hos omnes obligare nitatur officio: tandem vt paucis expedias, patrem patriæ se gerat, vt sciat datam sibi potestatem patriam, quæ est temperatissima, liberis consulens, suaque post illos reponens.* AMET ergò vt ametur, & pater esse velit, vt filios habere cognoscat. Præterea pericula, quibus eiusmodi pietatis vincula abrumpi, vel laxari solent, exponis, præcaues, auertis: eaque in censura, tributisque, & supplicijs, tanquam insidiantes feras in latibulis iacere consideras: hòc magis timenda, quò faciliùs tria hæc adeò Reipublicæ necessaria consequantur. Rationem ergò, qua horum temperetur acerbitas, & amaritudo dulcescat, idemque perseveret amor in subditis, pruden-

Trigant. à Societ. de expedit. Sin.

Xenoph. in Cyrop. Senec. 1. de Clem.

Sen. 1. de C. T.

denter, & ingeniosè retegis. Ad censuram mores, legesque pertinere ostendis; monesque, vt his ferendis bonum se latorem, seuerumque custodem, illis corrigendis castigatum se vindicem, & cenfore præmittat. In hoc publico horologio stylū se esse reputet, *in quē dirigimur, et cōuertimur*: qui si obliquus, obliquas ducit vmbra, & obliquē horas indigitat, populi vndē confusio: contra verò si rectus existat, eiusdē moderatio, ac regula. *quid est, quod nos prædicat*, Theodoricus Gothorū Rex inquit, *quā quietus populus, cōcors Senatus, totaq; Resp. morū nostrorū honestate nescita?* iudicijs tollat ambages; munera à tribunalibus arceat: neq; vllō modo inferiores à potētoribus vexari permittat. In censibus, & tributis doces, odij extinguendam fore scintillam, si in imponendis, atque exigendis necessitas, modus, & honestas appareat. In supplicijs maleuolentiæ pestem facilē euasurum affirmas, si tardē ad ea veniat: nè plus libidinis, quam rationis ostendat. *Propè enim est, vt libenter damnet qui citò*: neu sic irati, & vindicantis speciem præbeat. Quod si interdum eiusmodi vindictam concipiat, parturiens dolorem impotentis iræ compescat, Athenodori sententia monentis Augustum, nè illam iratus incuteret, vel ore proferret; quin prius Græcarum literarum alphabetum secum ex ordine recitasset: quam & postea Theodosius sequendam proposuit, & ex Christiana pietate ad trigésimum vsque diem pœnas extraxit; legeque sancit, vt Principum de animaduersione sententiæ citra modum, normamque iuris prolata intra mensem quiescerent, quo reis, vel misericordiæ, vel peniten-

Guen. in horol. princ.
Plin. in Paneg.
87.

Cassiodor. epist.
21.

Senec. de Cle.
Art. 5. Polit.

nitentiæ locum concederet: deinde hoc odium mol-
lire nouerit publicæ utilitatis officio: *omnis enim animaduersio debet non ad eius qui punit aliquem, sed ad Reip. utilitatem referre*: præterea miserationis adhibenda temperies: & ex animo, veriusque, quam Nero oculos puniendo *subtrahat, iubeatque * scelera non spectet*: non minus & moderationis; *non quantum admisit reus, tantum vindicandum*: ea propter Cn. Pompeij feritatem abhorreat, qui *fuit grauior re- medijs, quam delicta erant*. Et cū Germanico sentiat, *pœnam medicinae more, non cladis irrogandam*: postremo vt secum pariter de Polonis glorietur, quod de suis Cicero, Liuiusque iactabat: *nulli gentium, quam Romanorum mitiores placuisse pœnas*. Ad hæc, multa de pace, multa de bello præcipis, quæ hic ver- bis explicare non debeo, commodius ostensurus, vbi ea cum cæteris rectissimè te gerentem inducam. Sub finem animaduertis, eundem vngendum, & inaugurandum ad hæc omnia fidem suam sacramento vinciturum; atque in diademate, sceptro, pomo aureo, & * parazonio regijs accipiendis patrio more insignibus testaturum. Quæ omnia Deo duce; eius genio; regnisque custode sanctissimo, & patronis cælestibus dicto melius facturum confidis. Intendat prosperè, procedat, & regnet, de subditis nequaquam ambiguus pro se æque, atque pro aris, focusque fortunas, & vitam cum sanguine effundere paratissimis. Arcana hæc nouo Regi monita suggerbas, quæ ille in rerum pia administratione palam fecit, & in omnium oculos, atque ora subiecit; ac te, quem sui monitorem, magistrumque à Deo

acce-

*Cic. 2. de offe.*** Supplicia.**Tacit.**Ag.**Sen. 1. & 2. de Clem.**Tacit. an.**Cic. 3. Offe.**& stat. pro**Rut.**Lin. lib. 1.*** Vulgo. flo- co.**Dion. in Tra- ian.**Alex. Vagn. in descr. Sar- mat. Europa.**fol. 53.**Pfal.*

acceperat, eiusdem auspicio, & impulsu ob rerum Polonicarum peritiam Regni totius iuris Vicarium, deinde maximum Præfectum constituit: Cancellariam secundam à regia potestatem tibi conferre non dubitat. Iam custos legum, & iudiciorum, & consiliorum omnium cognitor, & moderator existis. Hoc sanè Rex ad se traxit hospitio, ut tanquam Athlas fortissimus te Hercule vteretur, quo onus polii sui, nempe Poloniæ magna sibi ex parte subleuaret. Tu verò amplissimam hanc, & grauissimam suscepisti prouinciam: lateri Regis hære non renuisti, in quem tui lumina consilij, & virtutis expromeres: quem tuo venerabilem obsequio, officio amabilem, gestis potentem, victorijs felicem ostenderes. Sigillum habes in manu, * *apophragisma* totius regni, quo acta, dataque communias, quæ & agi, darique consilio comprobaueras. Nihil eo maius ad dignitatem, nihil magnificentius ad gloriam, nihil tibi opportunius ad moderationem animi tui, & æquitatem, nihil utilius ad Reipublicæ tutelam, salutemque posset accidere. Eo namque viri boni, & ingenui merita sua non frustrari, nec imminui sentiunt, qui te æstimatorem vident æquissimum: eo nefarii, rei que supplicia sibi festinare, & imminere non dubitant, qui integerrimum te iudicem metuunt; eo pupillos ab iniuria, pauperes ab insolentia protegis; eo gratiam merenti, & imploranti iustitiam impertiris: eo populum ab exactionibus liberas: eo nobili priuilegia, & immunitates confirmas; eo denique formam Reipublicæ salutarem constituis, dum ea autoritate nouas basilicas extruis,

noua

* *Calatræ
sigilli forma
expressam.
Plin. epist. ad
Traian.*

*Vagn. in de-
script. Moscho
uia cap. 3.*

*Et Possen. ad
Greg. XIII. de
reb. Moschen.
fol. 15.*

agendum; sed cum intolerabili gelu, cum flammis,
sulphure, plūboque per aures stridentibus, cum Mo-
schis tandē dimicandū; qui semianimes; extremoq;
spiritu laborantes dedendi se anxij, perseverant; qui
mortem nil pensi habent, socijsque combustis, & in-
frusta concilis eodem succedere pugnaturi non du-
bitant, qui sic artus, & membra niuib., geluque du-
rant, vt summū celi illius rigorem superare videan-
tur; qui adeo in ediam patiuntur, vt sæpē trium dierū
ieiunia pusillo aqua auenace farina commixto ace-
tum sapiente pro potu, ciboque solvere consuecant.
Rex ergo Velikilucum iturus, vbi aperto Marte ma-
gnū Moschorum ducem excipiat, ne quid à tergo
infestū relinquantur, te ad Velisam arcem hostiū præ-
sidio, genioque loci munitissimam expugnandam
cum septem millibus equitum peditumq; præmittit.
Quam breui, & mature studium, moramque Regis
in via quatrīduo non amplius gloriosū de te hunc
exitū, expectantis præoccupas; non agendi (quod maxi-
mi momenti est ad res gerendas) tēpora consultando consu-
mens; sed in celeritate potius, & in audacia, quā in appa-
ratu spē ponens, magnis itineribus eō contēdis: præsen-
tia, vt fulgur emicas, & eodem tēpore tuos in milites
tonas imperio, & fulminas in hostes exitio. Superādā
arx erat, vetusto, & horreti luco inaccessibilis: tu ve-
rō densissimas, & robustissimas ex eo demolitus tra-
bes, accedis, & superas: superādus Duna fluuius, quo
eadē insuperabilis videbatur: tu ponte ripā ulterio-
rem iungis, & superas: superanda præsidia, tu mul-
tis in locis ducta fossa, iacto aggere, tormentorum,
verberē, sæcularum crebra iactatione superas, pene-
tras,

*Tacit. 19. in
Vitell.
Plut. in Al-
cib.
Appian. lib. 2.*

tras, & in ditionē compellis: superanda Regis de te expectatio, eā tu non nūtijs modo, & literis, sed etiā ipsius oculato testimonio superas, qui prę incredibili gaudio suis cū familiaribus, vt tuæ quoq; virtutis spectatores, testesque forent, per eundē fluuiū arcem vrsurus excurrit: deniq; superanda aliorū tibi erat inuidia, superāda superbia nē ex facinoris tāti gloria subreperet, tu vtrūq; superas, dum laudē, quam de se Cæsar euulgauerat *veni, vidi, vici*, in ore tui Cæsaris in re conuersā reperiēs: venisti, vidisti, vicisti ò ZAMOSCI: tu contra alterius Cæsaris elogio tēperans: *veni, Rex inuicte* (respondes) *vidi, sed Dominus Deus vicit*. Tum verò de Liuania, atq; Moschouia actū sibi esse existimans Dux magnus Ioannes Basiliades, immò basiliscus hominū generi infestissimus cogitur venenum deponere, & perinde vt Dagonis simulacrum, truncæ sibi forent ceruices, manusque, ac pedes Regis Stephani pedibus supplex, ac tremebundus accidere. Nonnē hoc eius literæ ad Regem missæ significant, quibus tyrannus iste pacem, veniamque implorat, ac se omnia Regis secum ineunda fœdera, & quid amplius accepturum promittit? Regis laborem esse, quid de se optet explorare, sua verò interesse magni ostendit, omnia iussa eius capessere. Quorsum hæc tam subita consternatio? vbi minæ, vbi iræ, & furores, quibustua se iactabat audacia? Væ misero, te auræ ZAMOSCI fulminis attingit: iam pauitas, iam supplicas, qui modo audacter, & insolenter te gesseras: iam ad tui miserationem lacrymis mouere contendis, qui modo tuorum, & aliorum, quos immanissimè trucidabas, sanguine eo minus satur,

Boter, de Cæsare Quinto.

Alex. Vagn. de descr. Sarmat. Europæ.

quo magis efferus, & implacabilis videbaris. Metuit
 scelestus, & iure metuit, dolet, cruciatur, nè velis-
 expugnata, ianuam in Liuoniã, suamq; Moschuam
 Polonis aperiat. Legatorum, & literarum nil præ-
 stat improbitas, quominus Rex Ducis potentiam,
 qua in Deum, cælitesque, & mortales abutitur, con-
 fringere abstat. Te ergò cum iisdem copijs, qui-
 bus Velisenses euiceras, Tartarorumque Nogaico-
 rum auxilijs ad artem, Lucos, decem millium ho-
 minum præsidio instructam occupandam per vias
 difficiles, & iniquas proficisci iubet: quam & ei
 aliam finitimam nomine Zanoliciam, milite etiam,
 & natura tutissimam amisso tuorum nemine, pau-
 cis diebus in medio hyemalis frigoris, & horroris
 expugnas. Præterea tuis cum militibus, & atratis
 cohortibus, quos ad bellum mercede conduxeras,
 nec non & Hungarico peditatu ad expugnationem
 Velikiluki mitteris, arcis difficillimæ, quod præter
 Louatum amnem, quo alluitur, fossa, & stagnis
 vniuersa circumdatur. Ad hæc Moschus aliarum
 cautus incendio, non in ligneis muris spem defen-
 sionis posuerat, sed in veteri trabum compagine,
 ex quibus muri constabant ab imo usque ad sum-
 mum gleba, & cespite obduxerant, tanta crassitu-
 dine, vt in superiore parte aggeris capacissimæ cor-
 bes terrâ repletas statuerint. Tu tamen vt belli ful-
 men magis arduis incumbere, durioraque contere-
 re solitus copias vado traducis: & à noctis initio per-
 ducta fossa, tantum operis ante lucem efficis, vt So-
 le orto coniunctas stagnis munitiones hostes conspi-
 ciant. Eo die, & nocte insequentî nunquam oculis,

nunquam

nunquam membris indulgens muralibus tormen-
tis mœnia illa quatere, arduosque tædas audaci iu-
uentutis manu pinnis admouere non desinis. Perter-
riti legati Regem conueniunt, pacem proclamant,
inducias poscunt, Ducem de calamitate monent
metu ex parte amittendæ Liunionæ, & ea omnino
non cedendi cupidine fluctuantem: re infecta re-
deunt, ac desperati nihilo minus, quam vitæ consu-
lunt. Sic ergo saxa corripunt, trabes conuellunt,
caldam æstuantem per tubos effundunt, & omne
genus telorum mouent, quibus tuos contundere,
vivosque excoquere, & obruere conantur. At enim
cum tormentorum vi muro cohærens agger labefa-
ctari non posset, quinto tandem die, cum supposito
fundamenti puluere dissipas, & incendio turres,
ac tabulata consumis. Deinde ad Zauolotiam expu-
gnandam missus eam latis undique, altisque paludi-
bus interclusam ponte mobili, natabilique ex trabi-
bus more ratis extructo artificiosissime transis, ani-
mosissime petis, & acerrime oppugnas. Præacuti
stipites ex aquis eminebant, pedum viginti ab vlti-
ore ripa distantes, terræ applicare pontem non
patientes. Interea Moschus ex arce in te, tuosque
hac transire cunctantes missilia, neque frustra ia-
ctare; subtus aquæ niuib, glaciæque brumali con-
cretæ necessario ad bellica facienda opera in terram
desilientes, præcipere. Quid ageres, qui iam vi ho-
stium premebaris, & è muris magna globorum, mis-
siliūque omnis generis procella obruebaris, & è
munitionibus à tuis adiuuari non poteras? quid age-
res, qui tuos milites iam pedem referre, acriusque

vrgen-

urgente Moscho, ad aquā repelli alios ante alios certatim ruere in pontem se sequē trudentes præcipitari, vndisque immergi? quid ageres, cum promptissimos tuos Hungaros vulneratos, multorumque animos in desperationem conuersos non vim hostium, nec loci iniquitatem, sed anni intemperiem vulneribus curandis incommodam, & contrariam metuentes videbas? Quid tunc agebas, edissere, nec eū iam cælare potes, quæ de tua in Deū fide, & pietate fama vulgavit, multique litèris, & monumentis mandarunt: files? Antonius Posseuinus vir societatis IESV religiosissimus, & prudentissimus à Gregorio XIII. caduceator, nuntiusque missus ad pacem tuo cum Rege, Moschoque procurandam loquetur, & silentium tuum ita rumpet: *remisacor, quo seruiore preces in tentorio ad Deum fundebas, cum isthic essem*. Iam ergo quid ageres, non ignoro: non retrorsum cedebas in pontem, non animo despondebas: non temporis iniuriam, Moschique violentiam ex horrebas: absit, vt de animi tui robore id vnquam dicere, nedum cogitare sustineam: quin etiam in tanto discrimine in Deum, Deum exercituum mentem excitabas, precesq; ejaculabaris breues, & inflāmas, qui tibi animum, viresque, vt tuis dares, augebat. Itaque in hac officina cælesti linguam potissimum temperasti, quæ perfractos castigans animos, ne præsentibus ærumnis succumberent, nec præteritā suarum rerum gloriam obscurarent, & inuicti Regis existimationem, famamque minuerent, cunctos conclamantes excepisti: perseverandum sibi fore omnibus aut occumbendum,

Epist. ad Zambros. fol. 109 in eius Moschonia.

bendum, & exemplo te ducem, & hortatorem secuti tantæ arcis expugnatores, tantique hostis euafere victores. Interea militis in te obseruantiam, tuamque in hostes humanitatem laudare ac mirari non desino, dum tibi deditos liberos, & incolumes abire concedis, tuorumque in eos anhelantium vindictam compescis. Præstas re vera, præstas quæ recipis, nec perfunctoriè quidem finis, quæ scribis, intelligi: Nonnè ad Apostolicum legatum ijs verbis conscripseras: *Ego etsi fatear me non ita esse pusillanimum, ut leuiter quamuis rem incipiam, & leniter post statim deferam: non ita feror ad bellicum negotium, ut sanguine potissimam Christiano fundendo gloriam mihi parare velim: cum non desint occasiones aliundè si possim, querenda.* Has militares, immò Imperatorias virtutes Rex Stephanus per biennium in te indies magis illustrari, & augeri conspiciens, eas diutius explorandas, atque excolendas non censuit, veritusque nè pertinacius dissimulans maiore se gloria, regnumque vtilitate fraudaret, tertio vertente anno, quo ipse acrius bellum Moschis indixerat, Plefcouiamque oppugnandam petierat, perpetuum copiarum tibi imperium detulit. vellent tua tergiuerari modestia, nisi obstarer pietas: hac ergo suadentè prouinciam ut cumque tam longe tuis meritis posthumam non honoris, sed oneris nomine suscepisti & enim virtus esse videtur præstantis viri, quæ est fructuosa alijs, ipsi autem laboriosa, aut periculosa. Quam ob rem splendidissimo oneri splendorem adhuc addere potuisti, qui imperio imperium non tibi, sed patriæ acquisseris: magistratus ita gesseris, ut ornamentum

Zamosci epist. ad Ant. Poss. folio 108.

Cic. de orat.

Plut. de Epaminonda, & plis lib 6. epist. ad Albinu de Virginio Russ. ubi eius epistola pbiu recitat.

non

ALIAE
VIR-
TVTES
ETHO-
NO-
RES.

*Anaximander
de Imperato-
re eligendo.*

non accipere, sed dare ipsi dignitati gloriam videris. Atqui incertum adhuc, quonam tuo Rex merito præcipuè te hoc belli principatu donauerit: num quod in te opes sine auaritia, honores sine ambitione, voluptates sine luxuria aspexerat? quid, si hæc alijs quoque viris non legem Christianam (quam ignoraban) sed rationis vim, normamque Philosophiæ, & vestigia aliorum sectantibus cõmunia esse compererat? Num quod te omnia circumspicientem, præsentia disponentem, præterita ruminantem, futura providentem, ex paruulis magna, & ex proximis remota, ex partibus tota componentem, perplexa expedientem, dura mollientem, ardua exæquantem, tarda accelerantem? num quod te nec metu violatum, nec potestate mutatum, nec secundis elatum, nec aduersis deiectum cognouerat? quid? si hæc in toga, cùm Polonici te omnis iuris præfectum creauit, iam antea obseruauerat? num quod te æuo maturum, integrum viribus, vultu, habituque venerabilem scientiæ militaris expertum, ducem antequam militem, veteranum antequam tyronem comprehenderat? quid? si hæc artis, & naturæ plus habere, quam virtutis inspexerat? Singula quidem ad summam militiæ dignitatem conferre non dubitabat, non ijs tamen pro mentis solertia, & animi magnitudine euinci potuit, vt tandem in re bellica se se, totamque Remp. tibi committeret, nisi quod in te immortalia, & diuina cognouerit, nisi quod in Deum, in se, in Patriam continens studium, amoremque, & obsequium perceperit. *Paruisti semper, & ad perpetuum*

tuum

tuum principatum obsequio peruenisti, nihilq; magis à te
 subiecti animi factum est, quam quòd imperare capi-
 sti. Quid enim est in principatu tuo, quod cuiusq; de hac
 re predicatio, vel transilire, vel prateruehi debeat? Quod
 monumentum: quod immò temporis punctum, aut
 hoc obsequio sterile aut submissione vacuum? sed
 nè singula confectè, & colligam, quasi verò, aut ora-
 tione complecti, aut memoria consequi possim: duo
 quæ prima mihi facie occurrunt dicere, non grauab-
 or: primùm, cum inter multos scribendi, & sculpen-
 di viros, qui te encomijs, & iconibus celebrare con-
 tenderent, Iacobus Laurus existeret, qui vt tui stu-
 diosissimus, ac de te, tuaque Republica meritissi-
 mus arcum triumphalem tuarum rerum historia
 superbissimum in ære inciderat, tibi que dicare pa-
 rauerat, huius rei conscius acriter pro tua modestia,
 & suauiter pro humanitate certasti, nè huiusmodi ti-
 bi laudes obtruderet, quas in Regem, ac Rempu-
 blicam deriuandas esse cognoueras. Tuam hac de
 re sententiam, quam ad virum tuis à negotijs Romæ
 commorantē scripsisti, audiamus: quod D. Laurus res
 à me gestas cogitationem suscepit sculpendi grata mihi est,
 ipsius hæc amica voluntas. Sed queso exponat illa eadem
 illi, me regium subditū esse, legibus, & Reip. parere, ad hos
 laudes huiusmodi esse referendas: nihilominus magnas me
 illi hoc nomine gratias agere, & si qua in re potero, gratifi-
 candum. Incredibilem profectorem fecisses, ZA-
 MOSCI, si splendorem tui nominis condere, & ob-
 scurare potuisses. Quemadmodum Sol, nec deli-
 quio laborans, nec nube tectus, nec in alterum semi-
 orbem translatus, suum iubar amittit: quin alibi se

Plin. in Pa-
 negr.

Zamefc. ad
 Agensem suū
 Roma.

se radiante sidere manifestet: ita tua claritas virtutum tot aucta luminibus, quo magis modestiæ tuæ velo contegi, aut inuidiæ tenebris occultari, aut mortis tempestate mortalium ab oculis videtur auferri; eò magis in orbe diffunditur, & dilatatur. *Non potest ciuitas abscondi supra montem posita.* Frustra conaris, si scintillas hic sparsas congesta humo sopire cogitas: aliunde enim fortiùs erumpentes cohibere non potes. Certa cum fama, tuæque cum vmbra certare videberis. *Gloria vmbra virtutis est, etiam te inuictum comitabitur.* Quod si eam viuens antecedentem ex te nusquam vellere, & separare potuisti: qui fieri potest, vt eadem, quæ post obitum tibi in aures est maior, quo serior, ubi inuidia recessit, superetur? Deinde nec alienum à magnitudine tua fuit, nihil te velle agere, vel tibi fieri, cuius antea Rex gloriam non haberet, aut suum de eo consilium, mentemque explicaret. Itaque cum Nuntio Apostolico de Domino Ponto per literas ita piè, & sincère conquereris: *mirabar à D. Ponto ita missam fuisse* (nempe Dominum Laurentium Cognolum) *vt ad S. R. M. literas ferret: nec eas quidem à serenissimo Sueciae Rege, sed ab ipso Ponto: legationē autem ad me obiret, & inscia, & præterita S. R. M. Domino meo. Respondi D. Cognolo, vel ire debere ad R. M. dominum meum, vel mittere.* Et paucis post interiectis; *nec me quoque cum minister sim, inconsulto Domino, quicquam facere oportere.* Pauca hæc dicta sufficiant: quid enim in dictis, sententijsque tuis immoror? si maior earum rerum segete inundans campus occurrit? quæ ad messem cum gloriæ, & annorum maturitate peruenit?

*Sines. epistol.
80.*

*Zamosc. ad
Poffen. epist.
fol. 110.*

uenit? Quid hac messe felicius, quid fecundius, quæ duntaxat manipulorum, qui intercidunt, reliquijs ieiunam meam orationem vberem facit, tuarumque laudum horreis sempiternis amplificat? Si Plescouiam, si Veronecium lustrò, cumulos tuæ virtutis aspicio: summam animi fortitudinem, summam, patientiam, & summopere in re bellica laudandam astutiam colligo, ac venerabile tuum in Regem obsequium veneror. Nam cum Rege ad Plescouiam, Veroneciūque profectus ibi arduo, & aspero Ostrouium situ inaccessible inuadis, ac penetras, regiamque in potestatem abducis, & ad Plescouiæ oppugnationem promouendam relictus, acerrima hyeme hostem strenuè intra magna mœnia semper cū strage compellis, astusque eius omnes sagacitate ingenij anteuertis. Itaque multis ille à te prælijs attritus, cladibusque affectus, totiusque amittendæ Liuoniæ metu conterritus, pacem ad Regis arbitrium, legesque impetrat; tum verò totam cedente hoste Liuoniam recipis. Si Podoliam percurro, ibi copiosum, & opimum lego pacis, & prudentiæ manipulum, cum colonias eò à te deductas considero, quibus à Tartarorum, & Turcarum confinio factum, tectumque seruas imperium. Num plura? adhuc plura dicenda superant: sed hic paulisper sistendum mihi esse iudico; dum video totam Poloniam luctu, & mœrore confusam, ob Stephanum sibi Regē extinctum. Prò dolor, pace per te, Nuntiumque Pontificium cum Moschorum tyranno (qui quod Domitiano execrabilior foret, à tanto hoc Stephano occidi, & superari non meruit) composita, in ipso

*Alluditur ad
Stephanū, quod
Domitianum
occidit, ut tra-
dunt Philostr.
lib. 8 & Dion
xx. & Suet.
in eius vita.*

xx & Sueton.
in eius vita.

rerum ingentium suarum, tuarumque cursu correptus evanuit, tibi que sui ardens desiderium, & intentiorem Regni curam reliquit. Sed tuis in Deum suspirijs, precibusque continenter effusis vtrumque dolorem mitigasti. Enimuero desiderium Crispide nepte, ex fratre Principe Trāsylvaniæ defuncto sibi dilectissima, quam ipse, & tecum societatem, & affinitatem inire gaudens, quasi discessurus pignus amoris sui in matrimonium dederat, temperasti: curam verò serenissimi SIGISMVNDI, qui nunc felicissimè imperat, creatione leuasti. Ergò interregni molestias, ac tempestates, rem non cum hoste certo, & furibundo, sed cum ciue dubio, & turbato acturus, non mœnia, non arces capturus, sed animos, & suffragia capturus aggredieris. Leges patrias & instituta recitas, seruanda contendis: Ordinum, & Senatus Polonici nulli, nec Romano quidem secundi (idque ex illius priuilegijs, cum in culmine potestatis, & honoris erat, de quibus, & volumen edideras, demonstrare non desinis) auctoritatem, amplitudinem, & libertatem commendas: et quare præclare cum Polonis actum esse doces, imperium sibi non in successionem, sed in electionem consistere: sic in subditorum maiorem vtilitatem, Regisque in gloriam cedere, & tanti Senatus, Ordinumque auctoritatem augeri, dum quem optimum electio inuenit, & antea discussio ostendit, & experientia comprobauit, dignus qui omnibus imperet, iudicatur. Mo-
nes ergò nè hanc, qua nihil est præstantius, libertatem opprimi patiantur Regem vi libidinis, non rationis arbitrio, studio, non merito cooptantes. Qua

in re

Tacit. i. hist.
Plin in Paneg.
37.

in re vniuersitatis commodo, non autem suo quisque lucro consuleret. Denique Regem, quem eligerent, & iuberent, SIGISMVNDVM Ioannis tertij Sueciæ Regis, & Catharinæ sororis Regis Sigismundi Augusti filium ante oculos proponis, dignumque iudicas, qui ad Lechos fortissimos, ad Cracos domi, bellique industrios, ad Piasos intrepidus, ad Leschones bellicosos, & sobrios, Boleslaos fortes, & in rebus agendis promptissimos, Casimiros pios, & iustos, religionisque amantissimos, Vuadislao Turcarum generis fatale semper exitium, Iagielones magnanimos, ad Sigismundos, suumque eiusdem nominis auunculum inuictissimū numeretur, præterea, qui Stephano felicissimo, subinde succedat. Tandem verò persuades, exclamationemque, omnibus exprimis, tuisque; ac omnium suffragijs eligis, armisque defendis. Cracouiam factionibus tumultuantem reprimis, & ab aduersarijs expeditam, tutamque Regi tradis: eosque facto impetu repellis; tormentis exuis, insequeris: & ad Berina oppidum consecutus collatis signis, consertaq; manu dissipas, eorumque ducem in potestatem abducis. Hac seditione compressa, regnoque in quietē redacto, numquid à laboribus quiescendum putas? *inftar refectionis existimas mutationem laboris: quæ enim remissio tibi nisi*

tanti Regis auspicijs Turcas ferocissimos debellare, tyrannos opprimere, arcesque munitissimas expugnare? Valachiam citeriorem, quam Moldauiam vocant, Turcarum Rex agitare cœperat; quod Hieremiam genere Valachum, religioneque Christianum, iam antea ciuitate donatum, ideoque Reipublicæ

Plin. in paneg.

blicæ notum , & amicum vtrunque conciliandæ pacis studiosum , legatorum , & mercatorum eò com-
meantium defenforem , ac vindicẽ , tandem popula-
ribus suis acceptum ab eiusmodi præfectura detur-
bare , eiusque loco Achmeten Bassam Telinensem
sufficere parauerat , atque ea propter Achmetis
auunculum , & affinem rem exequi iusserat . Itaque
Nohaicos Tartaros , & nonnulla Turcarum millia
ad Bassam ingentibus quoque copijs armatum dedu-
xerat . Barbarum in vltiorem Valachiam per Da-
nubium transisse cognoscis , hostem , & Turcam
appropinquantem vides . Intereaq; ex Senatus con-
sulto mandata accipis , vt in Moldauia , semper inte-
gra cum Turca pace , rem geras . Quid hic ZAMO-
SCI , acturus sis , ex te scire ad disciplinam , & imi-
tationem duces , & imperatores expectant : quo pa-
cto cum Polonicis Turcæ finibus aduentantis vim
vi repellere , Hieremiamque à tyranno tueri , eumq;
renitentem conterere debeas , pacem tamen cū ho-
ste seruare sustineas . Si eo repulsando desistas , cui ,
ac socio iniuriam , & indignitatem fieri , legatisque ,
& mercatoribus impunitatem adimi , Barbaroque
impotentiam augeri , & Reipublicæ imminere per-
niciem vides . Hic mirabili tua sapientia , & virtu-
te vtendum est . Ecce autem dum precibus Deum
consulis , eiusque imploras auxilium , Regemque
de periculo mones : & ad Bassam , nè quid in Vala-
chia contra ius Regum Poloniae , contraque fœdera ,
& conditiones pacis moueat , scribis , meritaque
Hieremiae , & in vtrunque regnum officia exponis :
dum Russiæ , Podoliæque Senatores , quos proximè
habi-

habitare nosti, in castra conuocas, & quid sentiant, quid uè sit agendum, interrogas, Nuntius Pótificius Malaspina, quasi à cælo afflatus te ad occupandam arcem Clocinensem, quo solo propugnaculo Moldauia nitebatur, literis pungit, & hortatur. Tu ergò quasi diuino oraculo monitus, arcem occupas, & cū lex tantum circiter equitum, peditumque millibus Barbari conatum eludis, atque iterum, iterumque, petentem multa cum suorum strage domū remeare cogis, & Moldauis præpositum Hieremiam confirmas. Iam verò solitus superbiam, & furorem tyrannorum contundere, in Michaelèm Vaiuodam, vltioris Valachiz palatinum hominem schismaticum inueheris, qui Cardinalem Battorem Transyluaniz Principem, dolo vicerat, & interemerat, & Transyluania positus fuerat: eaque victoria elatus Moldauiam prædabundus incesserat, atque expulso Hieremia, quem à Bassa defenderas, occupauerat; eundem desiderato ex tuis nemine, ab ytraque Valachia detrudis, Valachiamque citeriorem Hieremiz restituis, & vltiori Simonem eius fratrem, cum annua quadraginta * Hungarorum millium pensione pro loci illius præsidio præesse iubes. Multa hic de tua erga Battoreos humanitate, multa de fortuna, & virtute considerans, id solum de tua singulari temperantia præterire non possum, quòd Transyluania tyrannum excussisse, & Battorei amplissimi viri eadem vindicasse contentus Transyluaniam, quam vti derelictam inuadere, & occupare poteras, intactam reliquisti. Quid? nisi vt Battoreis semper gratificandi pateret campus? deinde vt
militarem

* Nuntius
T.M.

militarem abſtinentiam tuis in memoriam reuocares, & quauis data occasione exerceres ? ne eorum non modo manus, ſed ne veſtigium quidem cuiſdam pacato no-
Cic. pro leg. Manil. cato no-
Hem. Varnes. cuisse videretur. Nec enim tuorum militum
Eburon. in Paneg. armis aliud, quam tui nutus ſigillum imprimi ne-
Pro Ruſcorii familia. ceſſe erat, qui tanta diſciplina contenti, adeoque
 parentes, & obnoxij ſæpiſſimè id agebant, quod
 apud veteres Romanos quandoque accidiſſe memo-
Scant. apud Frontin. 4. Attag. c. 3. ria proditum eſt: pomiferam arborem, quam in pede ca-
 ſtorum fuerat complexa metatio, poſtero die, abeunte
 exercitu intactis fructibus relictam. Quid ergò miran-
 dum, ſi tantum hoſtibus, ac præſertim tyrannis ti-
 morem incutis, vt tua vmbra, vel fama perterriti
 fugam corripiant. Nonnè hoc Carolo Surdema-
 niæ Duci Sigifmundi tertij Poloniæ, Suetiæque Re-
 gis inuiſtiſſimi patruo euenit ? Qui cum gubernan-
 di regni Suetiæ munus à Rege ſibi demandatum ſu-
 ſcepſiſſet, id violata ſanguinis, & iuriſiurandi lege
 occupauerat, & in dies magis ac magis regnandi li-
 bidine efferebatur ; iam Regni incurſiones, iam li-
 uoniam iuris magni Ducatus Lituaniæ, & regni Po-
 loniæ ferè totam inuaſerat, Rigamque illius prouin-
 ciæ metropolim, & emporium obſidione graui
 premebat. Iſte ergò in maiorem potentiam euectus
 in omnes præterquam in te audacior exiſtit. Non
 enim tuo expectato in prouinciam aduentu, ſed tan-
 tum profectione audita, delata ſumma belli Ioanni
 Naſſouio in Suetiam fuga ſe recipit. Tandem venis,
 captaque ibi Volmaria natura, & arte non ſolum ve-
 teribus muris, & turribus, ſed etiam nouis operibus
 muniſſimo cum arce oppido, captoque in eo Ca-
 roli

roli filio Nassouij collega, tanto Nassouium timore afficis, vt ne curandi quidem corporis causæ cibo parato ex equo descendere audeat, sed immixtis equis incitatissimo cursu, veluti tergo illius hæreret, cum tamen sex miliaribus Germanicis abesses, Oltrouium versus contendere. Inde Nouogradum arcem Vlmariensi ampliorē, & duriorē, quod aggere alto, fossa lata, & profunda, muroque triplici, quorū alius alio in maiorem se se crassitudinem effundebat, præterea milite, victu, omnique bellico apparatu abundantissimè munitam expugnas. Identidem in deditionem cogis arcem Cheremptiam tam ab hoste instructam quantum Suecorum tuendis finibus, tuæque obsidioni tolerandæ par erat. Porro Marienburgum, Rureburgumque subigis. Quid autem non peruasceris? quid non tuis viribus perdomueris, cum Ancelum opere, & natura munitissimum expugnare potuisti? Illud natura ab occidente, & meridie Gauiæ vasto, profundoque amne ambiebat: à septentrione verò vtrinque fossa altissima, cinxerat, cui subinde ars imitata naturam 400. passuum latitudine fossam ex vna, & altera parte commiserat, & abruptum à continente collem effecerat, & in eo arcem specie triangulari condiderat: aditu vndiq; adeò difficile, vt solo etiā æquato impeditißimum receptum haberet. Hoc tamen quali de cælo immixtum fulmen (quid enim hoc te nomine sæpe non dixerim?) penetras, & expugnas. Fellinum deinde superas felle, aut absynthio amarius, Anceloque non inferius; quippe quod arx est ciuitati continua, duplici antemurali, & præalto muro con-

G stans,

Itans, præter ea quæ ardui colles, præcipientes scopuli, abruptæque valles per circuitum arcem inuiolabilem fecerant: adhæc etiam anteriori muro, fossa, & ingenti aggere cingebatur, Fellinum tamen dulce, & tractabile efficit, alijsque captiuis annumeras. Crescit indies labor ac difficultas augetur, eoque magis tibi animus ad maiora prouehitur: ergo Bialocamino, vel Albo lapidi imperuix oppugnandi arci, quod vndique redimita paludibus, propugnaculis instructa, ob virorum denique, commeatus, & tormentorum copiam, vnum, qui extabat aditus, impenetrabilem obiecerat, non parcis, præsertim decembri, quo regio illa Aquilonaris cælum implacabile patitur, vbi frigus perenni glacie, niuibusque cõstipatum solito membra acrius exurebat: quod eo calor vitalis circumseptus, introque compulsus augescit, & acuitur, atque in se se ipse reflectens corda lethaliter adit, vnde artubus membrisque stupor, motus intermissio, vitæque defectus subrepsit. His etiam accesserat, quod nihil ad kal. Maias remisit. Quam obrem nec segetes colorem ducere, nec maturitatem contrahere, nec grandescere poterant: quin etiam semigrano spicis relicto abortire, alimenta hominibus, equisque negare cõeperant. Nec vllas spes veteris annonæ supererat, quod inde eam hostis auexerat, reliquam verò palantes, & errabundi coloni cryptis per agros abdiderant. Partim ergo gelu, partim fame ipsi, militesque absumpti cadaueribus campos, villas, oppida, domos, caltra, viasque compleuerant. Interea milites varia rerum clade vexati, diuersa affecta-

re:

re: alij missionem, alij in loco clementiore subfugium petere, omnes cibaria, quæ defecerant, multi medicinâ, multi velles quibus frigus arcerent, implorare. Extrema calamitas iram, & desperationem pepererat. Quotus quisque ergo duces suos, ducesque te adire contendunt, qui te his verbis aut se dimitti, aut in mitiorem locum migrare, aut rebus necessarijs subuenire sollicitent. Quousque tandem, Dux noster, nos hinc manere constituis? quorsum iam prælia, & obsidiones expectas? ubi locus? ubi tempus? ubi vires? nonne omnia nobis incommoda, & aliena cognoscis? Locus est aquilonaris plaga, qua nihil infestius: tempus hyems, qua nihil acerbius, vires militum, qui tecum sitim, & inediam, tecum æstum, frigusque ferre consueuerant, nunc tandem enerues, & exhaustæ sine cibo, sine amiculo, sine medicina (ne de ijs, qui dispereunt, loquamur) sine suffugio languescunt, non detrectare munia, sed sustinere non possunt. Idem animus est tuis, qui fuit semper: ire quo iusseris, pugnare, periclitari, sanguine nostro Sigismundi Regis gloriam redimere, & vindicare. Proinde si perseveras nudi quoque, & exangues, ac moribundi sequimur vel antecedimus. Sed si audire vis non fictas tuorum militum voces, verum necessitate vltima expressas, præbe quæso propitias aures imperium atque auspiciū tuum constantissimè secutis, & quocumque pergis secuturis. Vicisti Dux, vicisti magnitudine rerum non hostes modo sed etiam milites. Quicquid mortalitas capere potest, impleuimus. Octo & viginti annos sub te meruimus, tuamque secuti

*Oratio Duci
ad Zamesci.*

fortunam nullum signum militare amisimus, vno excepto, quod sub idem tempus maiore cum laude recepimus, tecum vastos, & immanes fluuios enauimus, tecum siluestri; & palustri loca lubrica proculcauimus, arces inexpugnabiles cepimus, Moschos, Turcas, Tartaros vicimus; gelu alsimus, æstuque arsimus, sudorem, & cruorem profudimus, tyrannos oppressimus, Transiluaniam, Valachias, Liuentiamque recepimus, magnam Moschovia partē inuasimus, victorias Sigismundo Regi inuictissimo ex Carolo vertēte terga, eiusq; capto filio reportauimus. Quid adhuc in sterili, & intractabili solo ipsis quoque incolis horrifico, cum omnium tuorum clade, & miseria immorari persistis? Naturæ summo iure, vel iniuria pellimur: cur stamus, cur non imus? Nec naturam utcumque ducem, & vindicem sequimur? lege quoque gentium communi conuincimur, quæ armis supersedere iubet hoc tempore, bellaque conquiescere. Omni iure possumus obsidionem per id tempus relinquere, & alibi statiuā quærere, vbi milites conualescant, & alacriores ad oppugnandum redeant. Quod si nostri non miseret, te tui certè miserere debuerat, cui sexagenaria iam friget ætas: & frigus frigori non addendum, ne vita, vnde disciplina nostra, salusque pendet, extinguatur. Postremò si hic standum cogitas, digna prorsus cogitatio animo tuo, sed altior nostro. Itaque ne ignauia, sed necessitudinis, ac desperationis vitio vertas, si milites missionem poscant, & quid postea admittant, quo tui nominis gloria offendatur, & nostra tot annorum merita,

SENE-
CTVS.

abole-

aboleſcant. Hæc tecum, quam ſine te cum militibus loqui maluimus, non vt iniremus exercitus tui gratiam, ſed vt ex nobis animum militum, vocesq; cognofceres, periculoque imminenti conſuleres. Gratias agis Ducibus, atque è veſtigio milites ante tabernaculum coire iuſſos è re nata blandè, paternèque alloqueris. Veſtram, ò filij, cauſam Ducum fide, gratiaque relatam cognoui; querimoniæque ratione perpenſa, quam decoram, iuſtamque in alijs, in vobis turpem, & iniquam eſſe iudico. Nū barbarica, impiaque caſtra ſequimini? num nefaria bella geritis? num externas miſcere Reſpubl. Reges occidere, regnaque per vim, & fraudem occupare cogimini? **ATQVI** non hæc noſtris Principibus mens vnquam fuit, nec ſubinde in regium, Chriſtianumq; pectus eiufmodi cogitatio poteſt incidere. Quid autem cum ducibus veſtris, mecumq; huc contenditis, quam vt à tyranno noſtra uſurpante repetamus, & Sigifmundo Regi noſtro ingratiffimum, & infeſtiſſimum caput, potentia, vitaque ſi oporteat, exuamus? Quid hac expeditione ſanctius? quid magis rationi conſentaneum? Nonnè hoc in Patriam, Regemque pietas, in Duces obſeruantia, fidesque poſtulat? non nè iuriſiurandi, quo obſtricti eſtis, lex conſcientiam veſtram redarguit, ne quæ vos furor, aut neceſſitas cogit, admittatis? vos qui adhuc inacceſſas adiſtiſtis arces: Turcas, Moſchos, Tartarosque debellaſtis, qui ſub eodè hoc cælo niues, ventosque toleraſtis, qui Tartari, Cælique victores fuiſtis, quod minimum reſtat, victuri deficitis? qui adhuc inuiſto pectore ad immortalitatem incubuiſtis,

Oratio Zamoſcij ad milites.

itis, nunc temporis vicissitudine commouemini? Caroli, Nassouijque frontem non timuistis, immò vtrumque, vnuñ post alterum fugastis, nunc eorum terga, vmbrañque exhorretis? ac de missione, excessuque cogitatis? Quomodo illa vestra inuadendi hostes alacritas, pugnandique virtus tam subito in desperationem, & tremorem non ex gelu contractum, sed ex hoste conuertitis? Patrem vestrum sexagenarium deserere paratis? Faceßite hinc ocyus, qui degeneres estis filij, & vestrae virtutis, fideique præconia, qua iter erit edicite. Neminem vestrum teneo: liberate oculos meos ingratißimi ciuis. *s. Latus vos Rex excipiet sine vestro duce redeuntes*, obuiam populares ibunt desertoribus, transfugisque. Vos autem mecum manete felices, qui vera estis pignora à Deo pro eius religionis augmento, tyrannorum supplicio, Reipublicæque ornamento concessa. Nuditatem ego vestram operiam, inediam implebo, valetudinem curabo, mortem celebrabo. Quid enim pulchrius, quid gloriosius, quid etiam salutarius, quam pro tam iusta causa mortem oppetere? Album mihi hunc, qui superest, lapidem expugnate, hostilique cruore inficite. Lidius hic lapis erit vltimæ fortitudinis vestrae index; quo superato missionem habebitis honestissimam, & mutationem non alio quam in patriam, vbi vestrarum me rerum memore arbitro præter gloriam, congiarijs, præmijsque donabimini. Vix finem orationi feceras, cū clamor vndique ploratu immixtus exoritur te patrem, dominum, confusis appellantium vocibus. Interea concione demissa, militibus, quæ promi-

promiserat. Eruanda curas: tuoque ære partim promissum, partim mutuo ex amicis accepto, omnia omnibus fuisti. Non deinceps concisa sibi veste Traianus ad colliganda militum vulnera de tota sua gloria iactabit, coactus eam tibi impertiri, qui de tuo sanguine tuis medicinam, cibos, vestesque suppeditas: nec Alexander Seuerus sibi totam magnificentiam laudem vendicabit, qua *aurum, & argentum raro cuiquã, nisi militi dedit, nefas esse dicens, ut publicus dispensator in delectationes suas, & suorum conuerteret, id quod Provinciales dedissent*, tecum ipse compositus, qui non de tuo solum, sed etiam de mutuo milites tuos foues, & confirmas. Magis verò magnitudinem tuam miror, quod sexagenarius lethali viges in gelu. Viuentium nescio quid genus paulisper viuere, & respirare in igne deprehenditur, in glacie adhuc præter te neminem. Nonnè hoc etiam ipsi naturæ mirabile? utique: quòd superet eius fastigium: dum non humanis viribus, sed puræ in patriam pietatis auxilijs annis frigidus in glacie viuus, & duras. An verò præteritos tibi annos referri dixerim? & quemadmodum in te senectus repræsentauerat iuuentuti iudicium; ita nunc iuuentus senectuti animum, viresque compensat? In Macedonica phalange tot sexagenarios milites, quot Senatores iam visi: in Polonica ducem sexagenarium veneror, & admiror senili, ac iuuenili laude conspicuum. Itaque nūquam Reipublicæ illius triplicem chorum agere potuisti, quorum primi caneabant, se strenuos, & inuictos viros fore, alteri se esse, tertij se fuisse. Nam qui ad immortalitatem adspiras ætatis defectu proficis, & excessu non

Dion de bello Dacico.

Lamprid. in Alex. Seuerro.

ſu non deficiſ. O pietatiſ prodigiũ , & nobiliſ , fi-
 dique Poloni conſtantiã . Hiſ Deũ flectiſ , &
 exoraſ , hiſ animoſ militareſ obſtringiſ , hiſ hoſtem
 ſuperaſ , & arcem Bielocaminũ expugnaſ , victor-
 que rediſ in Poloniã . Iucundè exceptuſ in Patriã ,
 & magnificè à Rege laudatuſ victoriã eiſ precibuſ
 a Deo acceptaſ breui oratione confirmã . Haſ lau-
 deſ , & gratiaſ , Rex inuictiſſime , Deo , tibi que de-
 beo , qui diuino nutu , infirmũ me miniſtrum
 cooptaueriſ , precibuſque adiuueriſ , vt hoſtiſ non
 viſuſ , nec offenſuſ vexillo tuo cederet , arceſ arteſ ,
 natura que inexpugnabileſ dederentur , ac nè totuſ
 in Bielocamino exercituſ , extremo gelu , rerũ-
 que omniũ penuria , & hoſtiſ acerrima propu-
 gnatione maneret extinctuſ . Quo plura tegerim ,
 eo magiſ debere non dubito : ſolum tamen pro-
 grediendi pluſ vltra , & Suetiæ tuæ recipiendæ
 ſtudiũ , ſi vires ſufficerent , mihi debet . Sed vi-
 deriſ quid agendũ , cum nonniſi domita Mo-
 ſchouia illam recipere , nè dum tangere valeamũ .
 Debet , Rex , identidem , duceſ , ac militeſ , qui
 adhuc ſub tuo aſpicio mecum ſocietateĩ initam
 conſeruarunt ; qui promptiſ parere mihi , quam
 diligentiuſ ego illiſ imperare noui , laudare , & au-
 gere muneribuſ . Hac in re fidem tuo me iſ datam
 nomine liberabiſ . Finieraſ : & iam Rex Duceſ , ar-
 ceſſere , commendare , & promouere : militeſ beni-
 gnè intueri ; eorũ obſequia , & virtuteſ extollere ,
 præmiſq ; excitare iam cœperat . Tu lætuſ non ma-
 giſ ob ſumptam ex hoſte vindictam , quam ob aſſer-
 tam veritateĩ promiſſiſ , non magiſ ob arceſ ca-
 ptas ,

*Oratio Zamo-
 ſcy ad Regem
 Sigifm.*

ptas, quàm ob fidem liberatam discedis, & ad tuos reuerteris. At quid tui sic te immemorem video, ut nè verbum quidem de arte militari, quod luiti, & nominibus, quæ pro soluendo contraxeras apud Regem facias? Vestes, & fomenta, quæ dedisti militi, tacenda existimas? APVD virum ingenium recordari sua in patriam merita, exprobrare est: Ea te iniuncto, memorant, extollunt, prædicant militaris turba, quæ una voce testatissimum tuæ largitatis, & providentiæ testimonium reddunt, & argumentum paterni erga se amoris continenter ostendunt. Nihil in te hoc frequentius, & antiquius. Sed proh Deum immortalem, quænam proximè extingenda lux mihi occurrit, solito maius lumen cuibrans, idque pietatis, & religionis quo tota accenditur, & exardet? cui cætera composita conuiuent, & obscurantur lumina? Tu es ZAMOSCI, qui felici fenestuti iam deditus, ac communis necessitatis vias autumans, effundis, quæ tibi magis curæ, cordiq; erat: cultum vnius, triniq; numinis in Moschouia, atque inde in Oriētis partibus propagare, de quibus Nuntius Pontificius tibi gratias egerat, his verbis: *iam de eo quod V. D. M. cupit, ut à me in Moschouia, Orienteq; possit promoueri, ubi ad Moschum rediero: agnosco Christiani Principis, idest V. D. M. animum, qui sicutis Pontif. Max. apud sereniss. Regem; atque alibi (sicut pro certo habeo) mihi affuerit non minima de Dei bonitate spero: sacrum operari (cuius facultatem obtinuisti) in Ecclesijs pristinis Liuonia ab initio in usum Religionis Catholicae extractis: deinde verò in illa casuum varietate, quæ Liuoniam exerceat, in aliorum*

Possu. ad Zamosc. epistol. fol. 109.

Zamosc. ad Possu. epistol. fol. 108.

H

schif-

fol. 100.

Idem.
Ibidem.

schismatis, & hæresum usus conuersis: hæreticos ad fidem reuocare, coramque Deo absolueret: quod etiã impetrasti: gratias Deo agere pro beneficiorum memoria: quod sæpius fecisti, & aliquando significasti: *teneor cupiditate in Ecclesia Episcopali* (nempè Liouoniã) *Perpatensi cum exercitu uniuerso immortalis Deo pro beneficijs acceptis gratias agere*. Christianorum in Ottomanos Principium fœdera exoptare, & pro Hierosolymæ liberatione usque ad sanguinis, vitæq; effusionem pugnare: templa Deo, Diuisque ædificare, & instaurare. Quod ad pietatem spectat, Regni iura, legeque æmulari, fines tueri, ciuem seruare: hæc omnia cum insignia, & heroica, tuoque digna pectore existant, nihilominus cedunt ijs, quæ deinceps patraturus Regem, ac Senatum sollicitas Liouoniam Caroli Surdemaniz tyrannide iterum occupatam, & multorum ciuium sanguine recuperandã fore cognoscis, vt tam multo sanguini parceretur, te Regi offers mactadum pro patria, & obnixè petis, vt per literas ad Ducem missas clarigari iubeat, se dirimi singulari velle certamine, vt victus suo iure cedat, missamque Liouoniam faciat. Quis te ante Coddros, Curtios, Horatios, Scæuolas ferendum non putet? qui patriæ, vel vnus saluti ciuis tuam posthabere non dubitas; prestare dictitans occupatam ab hoste arcem dimittere, quam nobilem Polonum pro illa recuperanda amittere: Qua in re Scipionis, & Antonini Pij recolis; & imple sententiam dicentium: *malle se ciuem Romanum seruare, quam nulle hostes necare*: Vitellijque tyrannicam damnas, qui cadaverum tabern ex prælijs sentiens, optimè olere, dixit, occisum hostem.

Vide nostrum
lib. de splen.
habis, in co-
lumnâ An-
tonini, & in
Suetonij Vi-
tal.

hostens, melius ciuem, cuius internecione oculos se. pasce-
re iactabat. Nonne, & tu clarus, & ciuis quoque? cur
 ergo non idem de te sentis? cur sic ultro tui iacturam
 proponis? Tu vero amisso, quot Zamoscios Polonia
 sibi pensabit? PROH PIETAS proh fides in Patria,
 quæ caelestem curam mortali injcis, eique viuendi
 & propagandi cupiditatem à natura inditam adimis:
 Hæc igitur te impulit pietas, ut filium quem tecum
 in comitijs habebas, singulare tuæ senectutis sola-
 tium, posteritatisq; spem vnicam, è medio tollen-
 dum pro Regis, & patriæ defensione: si opus esset,
 offerres. Atque eandem religionem, & pietatem,
 quam viuens, THOMAM optimæ indolis, & spei
 filium docueras, moriturus verbo monēs, mortuusq;
 testamento monitum velis. Clauit tua pietas, cla-
 uit, & post mortem religio. MORIS ZAMOSCI,
 tandem tuæ Poloniæ occidis, sed polo omnia, & eter-
 na victurus secula nasceris: abis nusquam amplius
 terrestri inueniendus in patria, sed ubique præsens
 tuarum rerum memoria futurus. I felix anime, &
locum patriæ defensor, religionisque vindici desini-
tum, veram laborum requiem, verum virtutis præ-
 mium posside, qui nec fortuna mutari, nec tempo-
 re labeheri, nec inuidia violari, nec ambitione vin-
 ci, expugnarique potest. Iam precarium stemma,
 quod mirabili arte, & ingenio excogitasti *utraque*
ciuis, verius tibi conuenit: ecce vtriusque Patriæ ci-
 uis gloriosus existis: ecce iam laurea, iam oleagina
 caelesti cingeris pro interna, & externa Rep. quam
 domi forisque flexeris, & domueris. *utraque ciuis:*
 iam veræ sapientiæ, Palladis nomine adumbratæ
 gemi-

MORS

Cis. in semine
Scipionis.

Symbolum li-
terarum utra-
que ciuis.

geminam gloriam, quam nec obliuio delere, nec
 ægritudo vexare, nec senectus infringere, nec mors
 ipsa demoliri potest, amplecteris. Ecce Heroes clarissi-
 mi, ecce boni ciuem, strenuum militem, prudentem
 imperatorem, integrum magistratū, philosophum
 sapientissimum, religiosum principem, quæ in initio
 non tam mihi laudandum, quā vobis imitandū pro-
 posui. IN IOANNE ZAMOSCIO Christianum ha-
 betis politicum: hunc colite, & imitamini: *longum*
iter per præcepta; breue, & efficax per exemplum. Quæ
 mea inopedita oratione explicare non potui; vestra
 vos contentione perficite: quæ ingenio non attigi,
 arte non excolui, stylo non expressi; vos consilio,
 Marte, & gladio consequimini.

LAVS DEI OMNIBUS

Typi lapsus sic corrige.

Pag.	lin.		
15	1	criminatoribus,	criminationibus.
22	17	mixtus,	mixtus.
Ibid.	11	conjugis,	coniungis.
29	1	sub,	sub.
37	23	regni,	regni.
39	1	causa,	causa.
35	17	aux,	aux.
39	1	exemplo,	exemplo.
42	9	causa cum sapia, quam si silencio damnare poteris, ipsi de te virtus lo- quitur, certa cum gloria, tuæque cum umbra, &c.	
Ibid.	20	regni cusionis,	in regnum incurfionis pariter.
42	3	causa,	causa.
Ibid.	6	concedere,	contenderet.
52	4	palustri,	palustri sui.